

吳詩集覽

第一函  
十一冊

吳詩集覽卷八上

黎城靳榮藩介人輯

五言律詩一之上

秦留仙曰梅村遊梁溪自謂五言近體得杜于皇金焦詩而一變

梅村七律膾炙人口然藻飾宏麗佳者如出一手五律則無體不備實兼諸大家名家之長緣學詩者多致力于七律遂忘其五律之妙耳觀杜于皇祭梅村文知梅村律體其所自信與同時宗仰者尤在五言也少陵五律有芊眠清麗者如過何將軍山林夜宴左氏莊諸首是也梅村集中此體爲多有見道入悟者如水流心不競雲在意俱遲是也梅村集中道心黃葉淡勝事白雲忘可云具體有雄渾奇偉者如登兗州城樓登岳陽城樓諸首是也梅村之殘村秋水外新鬼月明中樹出干帆霧江橫一笛風白骨新開壘青山幾台圍河聲天上改地脈水中

來龍魚居廢縣人鬼語荒村異國帆檣落新沙  
島嶼存河流非漢境雪積自堯年固爲似之而  
魄力稍遜其大有造語精能者如歸雁喜青天  
落月動沙虛備極體物之妙梅村之兒頑墨誤  
描客比亂山多側身探老樹長臂引秋風船移  
隔縣雪屋遠半江晴可以擬之而未若杜集之  
多至梅村別孚佑十首讀史雜感十首送穆苑  
先南還四首從肺腑中流出有不規規于學杜  
者而足與子美共有千古故知詩以道性情不  
可徒於筆墨間求之也 梅村有渾成自然之  
句如漫栽彭澤柳好種廣陵瓜秋風臨廣武夜  
雨宿成臯北印空有骨南渡更無家久遊鄉語  
失獨客醉歌難可謂秋水出芙蓉天然去雕飾  
時賢律體多工對偶吳詩起句之工者如驟  
見疑還喜堪當我半歸寫老親望子之意入神  
已過纔追問相看是故人寫故友相見之情入  
神原自無多筆年深色便彫已寫盡殘畫神理  
此豈封侯日摩挲憶往年已寫盡舊劍神理結

句之工者送友人還楚云一帆灘響急落日滿  
黃州送何蓉菴云白頭雙淚在相送日將斜題  
分水龍王廟云始知青海上不必盡朝東可云  
神來也始知青海上不必盡朝東一擲南唐  
恨拋殘剩石頭此等句只可  
偶然遇之不能有意求之也

穿山

〔太倉州志〕穿山在州東北五十里巨石屹立  
崇十七丈周三百五十步中有石洞通南北

往來相傳  
海中島也

勢削懸崖斷根移怒雨來洞深山轉伏石盡海方開廢  
寺三盤磴孤雲五尺臺蒼然飛動意未肯卧蒿萊

此紀  
遊之

作三四工鍊○懸崖見哭志衍

〔子山枯樹賦〕昔之三

河徙植九畹移根此借用

〔大清一統志〕引臨海記

穿山下洞穴高十餘丈昔有海行者舉帆過其中

〔王

仲初詩〕廢寺亂來爲縣驛又盤磴迴廊古塔深

〔陶詩〕

孤雲獨無依謝元暉詩平楚正蒼然飛動見汲

古閣歌韓詩外傳原憲居環堵之室茨以蒿萊

王揆字端士秋日遊穿山詩一拳兀立占荒郊濕帶

龍腥黠未消洞口蒼藤迷舊路寺門老樹識前朝雲

來觸石天連島海欲吞山夜怒潮此

處可容高士卧淮南叢桂漫相招

### 元墓謁剖公

一統志鄧尉山一名袁墓山漢有鄧尉者隱此故名蘇州府志元墓山在

吳縣東南七十里梅村巨冶禪師塔銘我吳鄧尉聖恩寺剖公壁和尚蘇州府志宏璧字剖石

無錫鄭

氏子

一衲消羣相孤峯占妙香經聲清石骨佛面冷湖光花

落承趺坐雲歸識講堂空潭今夜月鐘鼓祝前王句句是元

墓剖公合寫而謁字於言外見之另是一格薛瑩詩

一瓶兼一衲金剛經無我相人相衆生相壽者相李

詩振錫還孤峯杜詩心清聞妙香劉挺卿詩經聲時  
有人博物志地以名山爲輔佐石爲之骨南史齊東  
昏紀外國寺佛面有光相湖光見宿福源精舍謝元  
暉詩鳥散餘花落跌坐見六真歌序庾詩雲歸帶雨  
餘沈初明詩菴園一講堂空  
潭見玉京墓杜詩今夜鄜州月

### 過聞果師園居

帆影窗中沒鐘聲樹杪移簷依懸果近閣避偃松欹菜

甲春來蚤茶槍雨後遲散齋閒獨往應與道人期此詩以芋

綿妥帖爲工似杜集中遊何將軍山林重過何氏諸首

首二句形容入妙依簷避閣用倒裝法菜甲茶槍可

云的對末句點出過字意通首俱有過字在內矣○揭

曼碩詩鐘聲衡岳曙帆影洞庭秋謝元暉詩窗中列遠

岫杜詩清聞樹杪磬白詩秋雨簷果落抱朴子

大陵偃蓋之松杜詩自鋤稀菜甲羣芳譜茶始生

而嫩者爲一鎗寢大而開爲一旂〔白詩〕散齋香火今朝散〔王詩〕興來每獨往〔史記〕留侯世家與老人期何後也〔僧貫休詩〕曾與道人期

### 游西灣

蘇子美詩晚至瓜州渡繫舟泊西灣

斷壁猿投栗荒祠鼠竄藤鐘寒難出樹雲靜恰依僧選勝從吾意捫危羨客能生來幾量屐到此亦何曾前四句是

西灣後四句是游字○〔杜詩〕翠深開斷壁〔皮襲美詩〕野猿偷栗重窺戶〔溫飛卿詩〕一逕入荒祠鼠竄見松鼠奉頭注〔樂天洛川晴望賦〕天沈寥而雲靜〔又詩〕選勝迴賓御〔戰國策〕客何能曰客無能也〔晉書〕阮孚傳或有詣阮正見自蠟屐因自嘆曰未知一生當着幾量屐

### 送繼起和尙入天台

蘇州府志宏儲字繼起晚號退翁通州李氏子年二十五

投三峯藏和尚力叅頓明大法任常州之夫椒  
祥符又歷台州之東山能仁天台之國清興化  
慧明瑞巖天寧諸刹一統志  
天台山在天台縣北

振錫西泠渡潮聲定後聞屐侵盤磴雪衣濕渡江雲樹

向雙崖合泉經一杖分石林精舍好猿鳥慰離羣

前半篇送

繼起後半篇入天台也慰離羣反襯出送字意○釋氏  
要覽游行僧爲飛錫安住僧爲掛錫西泠見河渚圖

李文山詩斷岸落潮聲賈閬仙詩寒泉出定聞盤磴

見穿山庾詩山深雲濕衣詞名有渡江雲一統志

石橋山在天台縣北五十里兩山並峙上有石梁懸架

兩崖間又錫杖泉在天台縣國清寺昔寺取水甚遠

明禪師以錫杖叩之泉水湧出郎君胄詩石林精舍

武溪東猿鳥見河渚圖禮子夏曰吾離羣而索居亦

已久矣



蚤起

蚤涼成偶游，惜爽憇南樓。碁響鳥聲動，茶烟花氣浮。衫

輕人影健，風細客心柔。餘興閒支枕，清光淺夢收。首二句點

出題面三四寫蚤起之景五六寫蚤起之情末二句反

寫起字却是正寫蚤字也○沈雲卿詩高樹早涼歸

南樓見送志衍蘇詩谷鳥驚碁響杜牧之詩茶烟

輕颺落花風元詩醉聞花氣睡聞鶯梁簡文帝詩衫

輕見條脫人影見送志衍梁元帝詩風細雨聲遲張

道濟詩客心爭日月避暑錄話睡餘支枕歐陽永

叔詩可愛清光澄夜色吳

文英詞秋夢淺醉雲輕

五月尋山夜寒話雨

尋山見贈文園公蘇叔黨詞夜寒江靜山街斗季義山

詩却話巴

山夜雨時

客衣輕百里長夏惜登臨正爾出門夜忽逢山雨深聊

將斗酒樂無作薄寒吟年少追涼好難爲父母心

此首以自

然爲工用意周到妙在有意無意之間○子山對燭賦

山月沒客衣單

沈雲卿詩坐看長夏晚登臨見送志

衍

杜詩山雨樽仍在

斗酒見送周子俶

楚辭惜

悽增歛兮薄寒之中人

追涼見礬清湖

劉文房詩

難爲江

上心

三四流水句王貽上每喜爲之當收入唐賢三昧集矣

瑜芬有侍兒明慧從江上歸則言去矣

張如哉曰萬壽祺字

年少有贈卞瑜芳詩未審卽瑜芬否抑姊妹行與侍兒見老妓行明慧見永和宮詞

江上送君別餘情感侍兒對人先母意生小就儂嬉恃

穉偏頻進含嬌托未知今來羅帳底誰解笑微窺

首二句是

有侍兒中四句是明慧末二句是言去矣首尾以瑜芬

爲主蓋此詩本爲瑜芬作也○別賦送君南浦何仲

言詩琴上聽餘情宋延清詩侍兒堪感路旁人顧渠

清曰母主母也言能先母意而知之也極言其明慧之

意禮先意承志崔顥詩生小不相識增韻凡人物

幼小皆曰穉韻會穉同穉陳後主詩合嬌新臉紅

鮑詩羅帳空卷舒

說文窺小視也

### 溪橋夜話

予偕子俶兄弟臨流比屋異戶同橋久雨得月

新浴生涼輒書數語以識幽事

仲長公理樂志論青山臨流比

屋見力峯歌

揚子吾於荀卿歟見韓詩幽事隨去多

同門而異戶也

竹深斜見屋溪冷不分橋老樹連書幌孤村共酒瓢茶

香消積雨人影話良宵同入幽棲傳他年未寂寥

此首識幽

事也清穩學杜○杜詩竹深留客處

儲光義詩谿冷

懼秋晏

老樹見雕橋莊歌杜詩突兀倚書幌

孤村

見東皇歌

王元之詩睡起殘花落酒瓢

茶香見西田

詩其

杜必簡詩積雨生昏霧

人影見送志衍李目

由詩

長宵秉燭遊

幽棲見

避亂

寂寥見山水圖歌

### 感事

袁子才曰丁酉戊戌間紳衿皆以欠糧削籍聞先生家居見錄初欲急徵此咏其事乎

不事扶風掾難畊好畷田老知三尺法官為五銖錢築

土驚傳箭呼門避權船此身非少壯休息待何年

此詩苦窳

役而作言不結吏胥之歡即難享田園之樂已則畏法而官欲得錢是以築上呼門役車未休也即游石公山

山地薄責常賦之意○後漢書班固傳扶風掾李育經  
明行著教授數百人史記封禪書雍東有好時漢書  
陸賈傳迺病免以好時田地善往家焉史記酷吏傳  
不循三尺法按明史嚴德珉傳擢左僉都御史放還宣  
德中嘗以事為御史所逮自言曾在臺勾當公事曉三  
尺法御史問何官答言洪武中臺長所謂嚴德珉是也  
後漢書公孫述傳五銖錢漢貨也宋史曹彬傳好官  
亦不過多得錢耳淮南子聖人為之築上構木以為  
宮室傳箭見越南廂園叟呼門見塗松晚發說文權  
所以進船也杜詩身無却少壯禮勞農以休息之

克缺

中華古今注  
兔口有缺

舌在音何讓唇亡口半吐病同師伯齧方問仲堪醫露

涿從人誚銜碑欲語遲納言親切地補闕是良規

此種詩看

其工巧之中有大雅體度是才餘於詩也○史記張儀  
傳視吾舌尚在不字典讓吃也左傳僖五年唇亡齒

寒莊子公孫龍口吐而不合玉篇張口貌南史王元謨傳孝武狎侮羣臣各有稱目顏師伯缺齒號之曰齧字典齧音獻露齒也檀道鸞續晉陽秋魏詠之生而兔缺相者云後常貴聞荊州殷仲堪帳下有術人能治之因西上仲堪與語令師相焉師曰可割補之蜀志周羣傳張裕曰昔有作上黨潞長遷爲涿令者去官還家時人與書欲署潞則失涿欲署涿則失潞乃署曰潞涿君晉讀曲歌石闕生口中銜碑不得語書命女作納言詩衮職有缺仲山甫補之蜀志馬謖傳注今可更惠良規

織女

詩歧彼織女

軋軋鳴梭急盈盈涕淚微懸知新樣錦不理舊殘機天

漢期還待河梁事已非玉箱今夜滿我獨賦無衣

首二句是

題面三四五六俱用流水法末句寄慨○杜牧之詩歸棹何時軋軋鳴梭按軋軋當作札札白詩機梭聲札札漚

飛卿詩鳴機札札停金梭皆本於古詩札札弄機杼也  
季頎詩鳴梭秋葉時〔古詩〕盈盈一水間〔杜詩〕天涯涕  
淚一身遙〔新樣錦〕見永和宮詞〔張子壽詩〕不復理  
殘機〔詩〕維天有漢〔魏文帝燕歌行〕牽牛織女遙相  
望爾獨何辜限河梁〔子建七啟〕金墀玉箱〔詩〕無衣  
無褐〔左傳〕定四年申包胥如秦乞師依于庭墻而哭七  
日秦哀公爲之賦無衣

### 贈蒼雪若鏡兩師見訪

孤雲所宿處清磬出層陰高座惟斯道扁舟亦此心尋

秋逢講樹到海發禪音月色霜天正吾師詩思深前四句從

任山說到來訪後四句實寫見訪○孤雲見穿山清

磬見宿福源精舍杜詩迢遞起層陰高座見贈蒼雪

講樹見讚佛詩〔元詩〕到海知何日

霜天見海戶曲吾師見贈願雲師

謝蒼雪贈葉染道衣

娑羅多寶葉煎水衲衣黃不染非真色拈來有妙香足

跌僧相滿手綻戒心長一笠支郎許安禪向石傍

起二句是

葉染道衣中四句贊道衣未二句謝贈道衣言欲從蒼雪遊也○張道濟詩山中二月娑羅會岑參詩多寶滅

已久蓮華付吾師陸務觀詩茶鑪雪水煎衲衣見六真歌序

淨任子心常無碍空有不染季詩花將色不染洛浦和尚頌入荒田不揀信手拈來草妙香見謁

剖公婆娑論結跏趺坐是相圓滿王詩綻衣秋日裏按綻補也晉書會稽王道子傳佛者以五戒為教左

傳昭三年彼其髮短而心甚長一笠見西田詩書影魏有三高僧支謙支諒支識惟謙為人細長黑瘦眼多

白而睛黃復多智時賢諺曰支郎眼中黃身軀雖小是智囊見五色線僧亦可稱

為郎

王詩

安禪制毒龍



送李友梅還楚寄題其所居愛吾廬友梅慕陶故

詩以記之

陶詩吾亦愛吾廬

寒雪滿潯陽江程入楚鄉灘逢黃鵠怒嶺界白雲長十

里魚蝦市千頭橘柚莊歸人貰村酒彷彿是柴桑

寒雪紀時

潯陽紀地言由潯陽而入楚也三四是歸途之所經五六是既歸之所見末二句言既歸而如在潯陽首尾映合又皆用陶令地名也用陶地名是暗寫愛吾廬三字

○柳子厚詩獨釣寒江雪一統志九江府戰國屬楚漢

爲柴桑彭澤二縣晉永興元年置潯陽郡天寶元年改爲潯陽郡孟東野詩孤帆楚江程溫飛卿詩楚鄉于

里路黃鵠見楚兩生行一統志白雲山在武昌府

嘉魚縣南十里魚蝦見蓉清湖序襄陽記李衡爲

丹陽守遣人于龍陽洲上作宅種橘千樹曰吾洲上有

千頭木奴書厥包橘柚錫貢江詩歸人望烟火貰酒

見海戶曲張喬詩寂寞逢村酒

晉書陶潛傳尋陽柴桑人

或謂白雲字以虛對寔朦朧嶺在武昌通山縣東南三十里路極險峻爲江西至武昌必經之地嶺字應

指此  
俟考

黃州桂退之改號蛻斯其音近而義別索詩爲贈

黃州見壽龔芝麓黃岡杜乘時清輔曰退之諱祝進茶村父也湖廣通志萬歷壬子舉人杜祝進鎮江府志明溧陽縣教諭杜祝進字退思黃岡舉人工詩文陞助教

述志賦秋蟲孤吟御遠風掇皮忘我相換骨失衰翁畫

以通靈妙詩因入悟空少陵更字說不肯效韓公前四句從

蛻字生情後四句是杜退之改號也五六亦有蛻字意  
○陸士衡遂志賦序昔崔篆作詩以明道述志杜詩秋

蟲聲不去 御風見凌烟閣圖序陶詩平疇交遠風

世說謝公稱藍田掇皮皆真金剛經無我相 捫蝨新

話文章雖不要蹈襲古人然自有奪胎換骨等法黃魯

直詩莫愛風蟬脫骨仙許棠詩旅貌近衰翁 晉書顧

愷之傳妙畫通靈變化而去亦如人之登仙 梁簡文

帝六根識文于一念中恍然入悟 漢書藝文志注兩

字之說至十餘萬言按黃山谷集有字說一卷 按少

陵姓杜氏而韓公字退之末二句蓋隱杜退之三字

### 王瓜

月令孟夏之月王瓜生按羣芳譜分黃瓜王瓜為二黃瓜在蔬譜王瓜在藥譜云結子如

彈丸此詩蓋詠黃瓜耳

同摘誰能待離離早滿車弱藤牽碧蒂曲項戀黃花客

醉嘗應爽兒涼枕易斜齊民編月令瓜瓞重王家

三四為瓜

作圖五六為瓜作贊俱能入妙起結則點綴也 同摘用章懷太子黃臺瓜詞一摘再摘三摘四摘也 又瓜

熟子離離史記滑稽傳汗邪滿車韋應物詩弱籐已

扶援陳元伯詩碧蒂團香上芳樹樂府雜錄琵琶有

直項者曲項者按此詩蓋用鄭餘慶莫拘折項之項羣

芳譜黃瓜亦有細白刺開黃花韓詩奈此眾客醉

隋書經籍志齊民要術十卷賈思勰撰唐書藝文志崔

實四民月令一卷詩綿綿瓜瓞書保乂王家

### 豇豆

本草綱目豇江絳  
二音字彙音岡

綠畦過驟雨細束小虹蜺錦帶千條結銀刀一寸齊貧

家隨飯熟餉客借饅題五色南山豆幾成桃李谿前四完題

面後四就豆之用而咏嘆之也○黨懷英詩綠畦春溜

引連筒驟雨見塗松晚發春秋元命苞虹蜺者陰陽

之精本草注葍或謂之錦帶本草綱目豇豆蔓生

杜白小詩出網銀刀亂本草綱目豇豆開花結莢必兩

雨並垂貧家見遇南廂園叟南史齊衡陽公傳乃云

炊飯已熟玉篇餉饋也蘇州府志豇豆赤黑色四月

是子長直

種六月熟可爲饅又名沿江十八粒邵氏聞見後錄劉  
夢得作九日詩欲用饅字以五經中無之輟不復爲宋  
子京有句云劉郎不敢題饅字虛負詩中一世豪〔本  
草綱目豇豆莢有白紅紫赤班駁數色漢書楊惲傳田  
彼南山蕪穢不治種一頃豆落而爲萁

〔史記李將軍傳桃李不言下自成蹊

潘皆山曰按此詩錦帶句是寫其蔓生猶云兩兩並  
垂多如錦帶也銀刀句謂截以佐食如漢陸續之母  
斷葱以寸爲度云爾故下聯卽以飯熟餉客繼之非  
以蓴魚爲比汪上湖咏豇豆云望裏條垂直生來莢  
引雙帶飄棚作羃縷縮棘爲橦又云寸斷鸞刀截排  
連象箸扛枯題險韻歎其工妙此以二語括之意正  
同相

結二語似有寄託言能作得一部好  
詩故雖種豆南山而戶外屢滿也

### 送照如禪師還吳門

梅村贈照如師序魯川之壻  
爲余外王父魯川三子其季

曰毅叔毅叔之子曰元孟父子爲儒者今年夏  
元孟瓢笠叩門曰吾出家於郡城之文殊菴僧  
臘已十年矣此卽所謂照如師也又炤如禪師  
生塔頌吾郡西郊華雨菴照如禪師俗姓曹諱  
洵字元孟祖爲魯用先生偉業  
外王母之父吳門見遇劉雪舫

秋氣肅羣慮衲衣還故棲雲生孤杖迴月出萬山低乞

火青楓寺疏泉紫芋哇石牀櫻拂子盡說是曹溪

原注師姓

曹首二句點出還吳門三四是方還時之景五六是  
既還後之事末句醒出照如○楚辭悲哉秋之爲氣也  
王正長詩研彼羣慮衲衣見六真歌序孟東野詩羈  
禽思故棲季詩向余東指海雲生岑參詩天圍萬  
嶺低乞火見臨頓見杜詩魂來楓林青梁簡文帝  
詩疏泉泛爵百詩喘牛犁紫芋石牀見曇陽觀櫻拂  
見六真歌序傳燈錄梁天監元年有僧智藥泛舶至  
韶州曹溪水口聞其香嘗其味曰此水上流有勝地遂

開山立名寶林乃云此去百七十年當有  
無上法寶在此演法今六祖南華是也

### 初冬月夜過子椒

月色破林巒貧家共一灘門開孤樹直影逼兩人寒淪

茗誇陽羨論詩到建安亦知譚笑久良夜睡應難

首句月夜

次句引出過字三四是初過之景孤樹承林巒影逼承  
月色五六寔寫過字末二句收足過字意又回映起處  
也三四七八俱有月夜字在內而第四句帶冬字則通  
首俱有冬字矣○張如哉曰破字本張子野詞雲破月  
來花弄影李詩拂衣歸林巒貧家見遇南廂園叟  
杜詩兩行秦樹直李詩舉杯邀明月對影成三人  
陸務觀詩僧誇淪茗香陽羨茶見永和宮詞建安見  
謁伯成宋書謝靈運傳至於建安曹氏基命三祖陳王  
咸蓄盛藻嚴子羽詩論詩得建安史記滑稽  
傳常以譚笑諷諫蘇子卿詩芬馨良夜發

園居柬許九日

許九日見九峯歌序

迸筭穿茶竈欹花罨釀房曝書移畫几敲筆響琴牀晚

食知眠懶輕衫便酒狂翛然吾願足不肯負滄浪

前四句寫

景後四句寫情○岑參詩迸筭穿階踏還來唐書陸龜蒙傳賈束書茶竈筆牀釣具往來徐照字道暉詩欹

花半在池

四民月令七月七日曝經書畫几見觀石

谷畫

白詩瀑布濺琴牀戰國策晚食以當肉輕

衫見老妓行漢書蓋寬饒傳我乃酒狂

莊子翛然而往

滄浪見縹緲峯

晚泊

孔雅圭詩晚泊樓煩城

寒勑依岸直

集作鋤

輕槩蕩潮斜樹脫餘殘葉風吹亂晚

鴉沙深留豕跡溪靜響魚又乞火村醅至炊烟起荻花



中四句形容晚字八妙而泊字自在其中餘字亂字留

字響字烹鍊最佳○程迓亭曰鋤乃勑字之訛街亭也

猶言寒舍字典引趙明誠金石錄昆陽城中漢街彈碑

云周名勑漢名街彈今申明亭也王元美詩舟子斜

蕩漿謝希逸月賦木葉微脫晚鴉見青門曲老

學菴筆記魚又以竹竿為柄長二三丈乞火見臨頓

兒廣韻醅酒未漉也陸務觀詩茅簷細

兩濕炊煙李義山詩荻花村裏魚標在

### 題心函上人方菴

能改齋漫錄摩訶般若經云何名上人佛言若菩薩一心行阿

擣菩提心不散

亂是名上人

頂相安單穩圓塵覆鉢銷誰知眠丈室不肯效團焦石

鼎支茶竈匡牀掛瘦瓢一枝方竹杖夜雨話參寥

三四醒出

方菴結句點染方字○楞嚴經四尊以闍浮檀金手摩阿難頂卽是十方普佛世界六種震動微塵如來住世

界者各放寶光同時來祇陀林灌阿難頂焉劉克莊詩  
僧借虛堂竟挂單程迓亭曰佛有塵塵混人刹刹圓

融語借以言凡圓皆非耳維摩詰經唐王元策使西

域有維摩居士石室以手板縱橫量之得十笏故名方

丈室團焦見西田詩韓有石鼎聯句茶竈見東許

九日匡牀見贈願雲師高季迪詩酒滿長生瘦木瓢

鎮江府志甘露寺一僧李贊皇廉問日嘗與之遊及

罷任以方竹杖一枝留贈焉方竹杖出大宛國實堅而

正方節眼鬚牙四面對出實衛公之寶也夜雨話見

五月尋山東坡集僕在黃州夢見參寥所作詩覺而記

其兩句云寒食清明都過了石泉槐火一時新後七年

出守錢塘而參寥子卜居西湖智果院院有泉出石縫

間甘冷宜茶寒食之明日僕與客泛湖自孤山來謁參

寥汲泉鑽火烹黃蘗茶忽悟所夢詩兆于七年之前墨

莊漫錄參寥本名曇潛子瞻

改曰道潛廣輿記於潛人

七修類稿宋有杭州僧參寥唐亦有道士參寥見孟

襄陽集唐有蘭亭僧辨才宋亦有高僧辨才隱天竺

吳詩集

見秦淮  
海集

題傲上人代笠

篇海笠笠以竹爲之  
無柄曰笠有柄曰簷

空山無住着就石架孤筇愛雪編茅整愁風剪箬工樹

陰休灌叟簑雨滴漁翁要自謀安隱吾師息此中

前首  
點染

方字此首點染笠字是取別徑法○楞嚴經本此無住  
建立世界及諸衆生杜詩麗眉皓首無住着廣韻筇

竹名可爲杖

白詩葺茅爲我屋編篷爲我門

李詩

愁水復愁風本草箬草名根莖皆似小竹葉與擇似蘆

荻南人取葉作笠

北史魏收傳夏日坐板床隨樹陰

諷誦

儀禮注簑同蓑傅休奕詩渭濱漁釣翁

左傳

成二年其自爲謀也則過矣阿含

經於是世尊所患卽除而得安隱

過南屏訪無生上人

一統志南屏山在  
錢塘縣西南三里

謂此一公住偶來聞午鐘山容參雪嶠

原注無生壁間有雪嶠師畫

佛火隱雷峰路細因留竹雲深好護松精廬人不到相

對話南宗

三四以山對人變化工整末句點染南屏○王介甫詩一公持一鉢季詩溪午不聞鐘

西湖志

南屏山在淨慈寺右興教寺之後正對蘇堤寺鐘初動山谷皆應逾時乃息蓋茲山隆起內多空穴故

傳聲獨遠

皮襲美詩山容洗得如烟瘦明詩綜圓信字雪庭更字雪嶠寧波人初住武康雙髻峯後居徑山

有語風橐

崔液詩神燈佛火百輪張按雷峯用焚塔事見送杜于皇馬虞臣詩路細葑田移雲深見圓

圓曲

胡仔詩紫雲常護玉壇松後漢書儒林傳注精廬講讀之舍舊唐書僧神秀傳神秀同學僧慧能任

韶州廣果寺

天下謂神秀爲北宗慧能爲南宗

簡武康姜明府

一統志武康縣在湖州府少西一百十里湖州府志武康知縣姜會

昌山東掖縣舉人順治二  
年任明府見謁吳伯成

地僻誰聞政如君自不同放衙山色裏聽事水聲中竹

稅官橋市茶商客渚篷前溪歌舞在父老習遺風

中四切定

武康而不用武康故寔此詩品也又前半切定明府後  
半切定武康分別觀之各自入妙○地僻見礬清湖

李義山詩高聲喝吏放兩衙杜牧之詩鳥去鳥來山色  
裏人歌人哭水聲中漢書宣帝紀五日一聽事王

詩官橋祭酒客湖州府志千秋橋在武康縣治南一百  
步跨餘英溪三國吳時建武康縣志三橋埠在縣北七

里宋史趙開傳輕立價以惠茶商茶經茶浙西以湖  
州爲上宋書樂志前溪哥者車騎將軍沈琬所制一

統志前溪在武康縣治前晉沈充家於此溪樂府有前  
溪曲卽充所制漁隱叢話于競大唐傳德清縣前溪村

南朝習樂之處也今尚有數百家習音樂江南聲伎多  
自此出所謂舞出前溪者也復齋漫錄言陳劉剛詩山

邊歌落日池上舞前溪唐崔顥詩舞愛前溪妙歌憐子  
夜長按智匠古今樂錄晉車騎將軍沈充作前溪曲非  
舞也蓋復齋不見于競大唐傳故不知舞出前溪耳  
張諤詩併將歌舞向前溪遺風見讀鄭世子傳

其二

花發訟庭香松風夾道涼溪喧因紙貴邑靜爲蠶忙魚

鳥高人政烟霞仙吏裝知君趨召日取石壓歸航

前半切定

武康後半頌祝明府○李詩訟庭垂桃李

岑參詩松

風夾馳道

杜詩溪喧瀨趁魚晉書左思傳賦三都洛

陽爲之紙貴北史邢邵傳每一文初出京師爲之紙貴

湖州府志黃紙出歸安縣十九區東沈錢家邊傍溪分

流激石轉水爲碓以殺竹青而搗之纍石方空高廣尋

丈以置鑊以和堊灰而煑之搗之以糜其質也煑之以

化其性也乃浮于水乃暴于日浮之以成其形也暴之

以烈其氣也是曰黃紙暴之日彌岡被阜或颺風驟雨

以烈其氣也是曰黃紙暴之日彌岡被阜或颺風驟雨

婦女傾家爭拾上下山坡捷于猿猱少頃則委而土耳  
一統志武康縣北至歸安縣界三十五里 季頎詩桑  
野蠶忙時憐君久脚蹶湖州府志民方蠶月官府至爲  
罷徵收禁勾攝 晉書嵇康傳遊山澤看魚鳥心甚樂  
之子瞻謝表雜簿書于魚鳥 儲光羲詩道德同仙吏  
南史江革傳或請濟江徙重物以迕輕艫革旣無物  
乃於西陵岸取石十餘片以寔之唐書陸龜蒙傳陸氏  
在姑蘇其門有巨石遠祖績嘗事吳爲鬱林太守罷歸  
無裝舟輕不可越海取石爲重人稱其  
廉號爲廉石按此事三國志績傳不載

### 夜泊漢口

杜牧之詩夜泊秦淮近  
酒家漢口見閩州行

秋氣入鳴灘鈎簾對影看久游鄉語失獨客醉歌難星

淡漁吹火風高笛倚闌江南歸自近盡室寄長安

末二句謂

由漢口而歸江南本自甚近乃盡室偏寄長安也梅村  
之泊漢口豈在典試湖廣時與時寇亂已作故詩多歸

興○秋氣見贈炤如師鳴灘見塗松晚發杜詩鈞簾  
宿鷺起季詩對影成三人賀季真詩鄉音無改鬢毛  
衰醉歌見虞山圖歌鄭守愚詩一尺鱸魚新釣得  
兒童吹火荻花中趙承祐詩倚闌香徑晚盡室見  
送何少省齋

曉粧

杜詩曉粧  
隨手抹

學母粧應早留花稱小圍為憐新繡領故着舊時衣性

急梳難理衫深力易微素奩猶未斂祇道侍兒非

梅村  
課女

詩云亦知談往事生日在長安然梅村九女此首非官  
京師時作學母粧應早正與課女之貧疑失母寒相反

○杜詩學母無不為

徐孝穆詩

拭粉留花稱除叙作

小鬟

吳叔庠詩繡領合歡斜

世說桓冲不好新衣

木蘭詩

從禮記深衣字化出

祖詠詩令人氣力微

元詩香開



白玉奩  
侍兒見前

### 送友人還楚

燈火照殘秋聞君事遠游客心分暮雨寒夢入江樓酒

盡孤峯出詩成衆靄收一帆灘響急落日滿黃州

送字用暗

寫未二語點出還楚○沈雲卿詩亭傳理殘秋客心

見蚤起宋玉神女賦暮爲行雨杜牧之詩點滴侵寒

夢江樓見送志衍入蜀酒盡見鴛湖曲孤峯見謁訶

公黃星甫詩玉宇澄清暮靄收一帆見塗松晚發

吳子華詩灘響忽高何處雨王

詩落日滿秋山黃州見壽夔芝麓

### 送黃子羽之任四首

原注子羽能詩以徵辟爲新都令明詩綜黃翼聖字子

羽太倉人崇禎中辟授新都知縣升安吉知州

有蓮葉居士詩選仇滄柱詠杜附編錄第三音

襄陽

明史地理志襄陽府領縣六襄陽倚

始見征途亂十年憂此方君還思聖主何意策賢良楚

蜀烽烟接江山指顧長祇今龐德祖不復卧襄陽

起二句言

昔曾游楚卽憂襄陽之亂也三四以君恩竦動之五六見時方須才結句言高隱之士皆宜出而濟時也○杜詩冉冉征途間 王子淵有聖主得賢臣頌 漢書董

仲舒傳武帝卽位舉賢良文學之上前後百數而仲舒以賢良對策焉陳士業墓誌崇禎中兵寇交作文吏多棄城失職上寢厭科目爲無用特徵處士賢良奇碩者

按明史選舉志事在崇禎九年 方萬里詩江西走荆

蜀烽烟見閬州行 東都賦指顧條忽 後漢書逸民

傳龐公者南郡襄陽人也居峴山之南未嘗入城府後

遂攜其妻子登鹿門山因採藥不反龐德祖未詳按襄

陽耆舊傳作龐德公襄陽記世人遂謂龐公是德公名

非也德公字山民亦有令名聚諸葛孔明小姊爲魏黃

門吏部郎早卒

杜詩不復卧南陽

巫峽

明史地理志夔州府巫山縣東有巫山亦曰巫峽大江經其中東入湖廣巴東縣界

高深積氣浮水石怒相求勝絕頻宜顧奇情不易留蒼

涼難久立浩蕩復誰收詩思江天好春雲滿益州

此首就能

詩上生情○列子天積氣耳

子瞻石鐘山記水石相

搏

范致能詩勝絕尊前萬事休

列子日初出蒼蒼

涼涼

杜詩自鷗沒浩蕩

詩思見京江送遠圖謝希

逸詩霧罷江天分

韓詩君詩多態度靄靄春雲空漢

書武帝紀元封二年平西

南夷未服者以為益州

成都

明史地理志成都府領縣二十五成都倚

祝滄柱曰黃以徵辟為新都令道經成都

魚鳧開國險花月錦城香巨石當門觀奇書刻渺茫江

流人事勝臺榭霸圖荒萬里滄浪客題詩問草堂

此就既到

成都而言末句仍點能詩意○李詩蠶叢及魚鳧開國

何茫然一統志魚鳧城在成都府温江縣北十里錦

城見玉京墓巨石見再觀打水詞一統志石犀在成都

都府城南三十里別詳驪山唐書馬周傳臣願營雉堞

門觀務從高顯奇書見讀西臺記孟詩君去春江正

渺茫謝元暉詩大江流日夜鹿虔扈詞烟月不知人

事改書惟宮室臺榭陳伯玉詩霸圖悵已矣杜詩

萬里橋西一草堂百花潭水即滄浪高達夫詩人日題

詩寄

草堂

王貽上隴蜀餘聞顧華玉云武侯兵書峽在定軍山

上壁立萬仞非人跡可到余兩經其地初視峽其色

淡紅後則鮮明若更新者殆不可曉三峽中亦有兵

書峽傳為武侯藏書之地大抵秦楚巴蜀間人思侯

德輒舉名蹟傳會之

不須辨其真偽也

新都明史地理志成  
都府縣新都

丞相新都後如今復幾人先皇重元老大禮自尊親舊

俗科條古前賢風尚醇似君真茂宰白石水潏潏此就既到

新都而言前半篇引新都之舊事後半篇勉子羽以新

猷也明史楊廷和傳字介夫新都人大學士杜詩

賢良復幾人詩方叔元老廷和傳禮官議典獻王

主祀稱號廷和檢漢定陶王宋僕王事授尚書毛澄曰

是足為據宜尊孝宗曰皇考稱獻王為皇叔考帝不悅

然每召廷和從容賜茶慰諭欲有所更定廷和卒不肯

順帝指先後封還御批者四執奏幾三十疏帝聽之去

明倫大典成詔定議禮諸臣罪削職為民隆慶初復官

贈太保謚文忠詩大序達於事變而懷其舊俗者也

戰國策科條既備民多偽態北史王憲傳憲孫雲頗

有風尚杜詩茂宰得才新詩

揚之水白石粼粼玉篇潏通作粼

明史贊謂大禮之議楊廷和爲之倡舉朝翕然同聲  
大抵本宋司馬光程頤濮園議然英宗長育宮中名  
稱素定而世宗奉詔嗣位承武宗後事勢各殊爭之  
愈力失之愈深此詩三四已包羅此意蓋謂世宗本  
敬大臣但以尊親故去之耳廷和之身分得失俱見  
梅村詩史不徒在抒寫時事也黃子羽寇警雜詩  
聖主勤焦勞盪寇屬元老專閫既歷年撓書苦弗早  
餘氛難遽消川峽復擾擾掠食日漸深鄰境多不保  
顧瞻斗大城捍禦悉草草伶仃茨簷下何處出牙爪  
殘毒旣已酷憤厲忽矯矯白面山澤臞擁之建旗旄  
殫力答衆心身名總非寶一荒縣數十家十年再罹  
厄嗟此鋒鏑餘寇耗復孔亟孤城寡所援羣計在竄  
匿顧惟封疆義招撫竭心畫割膏募壯士八口不遑  
惜大義一再伸呼一應者百人心自有良如鐵附磁  
石刑牛告穹蒼下令明勸激母或貳乃心毋或斬乃  
力天則有雷霆吏則有斬馘妻孥甘共危僮客盡持  
戟以身爲衆先相期見勞績二兵氣動荒野黃雲黯  
城隅名義所其激孱民皆壯夫長鎗雜大棒角技繁

有徒披氈當堅甲揭裙爲旌旗結聚各以類約束仍  
弗疎危樓圯雉間氣燄光四衢苦口相戒命各各念  
前車官民同賞修  
殺賊勿踟躕三

讀史雜感

感舊集收其一其二其三其四其五其七其八

吳越黃星見園陵紫氣浮六師屯鵲尾雙闕表牛頭鎮

靜資安石艱危仗武侯新開都護府宰相領揚州

舊說此指

史閣部出鎮事

○三國志魏武紀初桓帝時有黃星見

於楚宋之分

漢書叔孫通傳先帝園陵寢廟吳志注

陳紀曰黃旗紫氣運在東南明史諸王傳馬士英等迎

由崧入南京庚寅稱監國王寅自立于南京偽號宏光

按首二句當是南渡時侈陳祥瑞語耳

左傳昭五年

楚子以諸侯及東夷伐吳吳人敗諸鵲岸綱目質寔鵲

尾渚名在廬州府舒城縣治西北雙闕見洗象圖南

史何胤傳世傳王丞相指牛頭山云此天闕也

晉書

謝安傳字安石時疆敵寇境邊書續至梁益不守樊鄧  
陷沒安每鎮以和靖杜詩艱危氣益增武侯見讀西  
臺記 都護見行路難其十五世說王丞相拜揚州  
賓客數百人並加霑接宋書武帝紀宰相帶揚州可置  
甲士千人明史史可法傳馬士英旦夕冀入相以可法  
七不可書奏之王而擁兵入覲拜表即行可法遂請督  
師出鎮淮陽  
乃開府揚州

沈歸愚師金陵詠古江山半壁尚堪支何事君臣逐  
晏媼玉殿選聲朝中酒吳綾蘸筆夜填詞北來共說  
神兵下南渡俄看舊鼎移開府  
廣陵空有恨寒潮嗚咽至今悲

其二

莫定三分計先求五等封國中惟指馬鬣外盡從龍朝  
事歸諸將軍輸仰大農淮南數州地幕府但歌鐘

舊說此指



馬阮當國四鎮跋扈事○史記淮陰侯傳莫若兩利而俱存之三分天下鼎足而居又李斯傳二世拜趙高爲中丞相高自知權重乃獻鹿謂之馬明史徐汧傳柳昌祚疏攻汧陛下定鼎金陵彼爲討金陵檄所云中原逐鹿南國指馬是何語史記馮唐傳閫以外者將軍制之易雲從龍諸將見哭志衍明史高傑傳朝廷許諸鎮與聞國是故傑屢條奏又劉澤清傳時武臣各占分地賦入不以上供恣其所用置封疆兵事一切不問與廷臣五分黨援于預朝政奏牘紛如紀綱盡裂而澤清所言尤狂悖杜詩天下軍儲不自供史記景帝紀改治粟內史爲大農唐書地理志淮南道蓋古揚州之域分爲州十二縣五十三揚州楚州滁州和州壽州廬州舒州光州蘄州安州黃州申州明史史可法傳議分江北爲四鎮東平伯劉澤清轄淮海駐淮北總兵官高傑轄徐泗駐泗水總兵官劉良佐轄鳳壽駐臨淮靖南伯黃得功轄滁和駐廬州幕府見讀西臺記歌鐘

見九  
峯歌

其三

北寺讒成獄西園賄拜官上書休討賊進爵在迎鑿相

國爭開第將軍罷築壇空餘蘇武節流涕向長安

舊說此言

鍛鍊正人上卿鬻爵置國事於罔聞也未二語謂遣左

驩石議和事

○北寺獄見後東臯歌

後漢書靈帝紀

光和元年初開西邸賣官自關內侯虎賁羽林八錢名  
有差私令左右賣公卿公千萬卿五百萬又宦者傳當  
之官者先至西園諸價然後得去拜官見汲古閣歌

史可法傳時自成既走陝西猶未滅可法請頒討賊詔

書五代史梁臣傳劉捍開封人也唐昭宗召見賜號

迎鑿毅勇武臣明史奸臣傳朝政濁亂賄賂公行四

方警報狎至士英身掌中樞一無籌畫日以鋤正人引

兇黨爲務時有狂僧大悲出語不類爲總督京營戎政

趙之龍所捕大鉞欲假以誅東林及素所不合者因造  
十八羅漢五十三叅之目書史可法高宏圖姜曰廣等

姓名內大悲袖中海內人望無不備列獄詞詭秘朝土  
皆自危而土英不欲興大獄乃止大僚降賊者賄入輒  
復其官諸白丁隸役輪重賂立躋大帥都人爲語曰職  
方賤如狗都督滿街走其刑賞倒置如此又廷推閣臣  
劉孔昭攘臂欲得之可法折以勳臣無入閣例孔昭乃  
言我不可土英何不可于是進土英東閣大學士兼兵  
部尙書都察院右副都御史與可法及戶部尙書高宏  
圖並命土英仍督師鳳陽土英大愠令高杰劉澤清等  
疏趣可法督師淮陽而土英留輔政杜詩蒼茫營築  
壇漢書蘇武傳字子卿杖漢節牧羊卧起操持節旄  
盡落上崩武聞之南鄉號哭歐血旦夕臨數月明史左  
懋第傳本朝館之鴻臚寺改館大醫院順治二年六  
月聞南京失守慟哭至  
閏月十二日以不降誅

#### 其四

御刀周奉叔應救阮佃夫列戟當關怒高軒哄道呼監

奴右衛率小吏執金吾匍匐車塵下腰間玉鹿盧此首刺名

器之濫也○南史茹法珍傳齊東昏時左右應敕捉刀

之徒並專國命人間謂之刀敕權奪人主都下為之語

曰欲求貴職依刀敕須得富豪事御刀南齊書周盤龍

傳子奉叔勇力絕人鬱林在西州奉叔密得自進及卽

位加輔國將軍帝從其學騎射尤見親密得入後宮

南史恩倖傳阮佃夫會稽諸暨人也佃夫及王道隆楊

暹夫並執權亞於人主僕從附隸皆受不次之位李

詩列戟何森森當關見鐵獅歌唐書李賀傳自目曰

高軒過哄見洗象圖監奴見鐵獅歌晉書職官志惠

帝建東宮初置中衛率太始五年分為左右各領一軍

史記張湯傳而湯乃為小吏明史職官志金吾羽林

等十九衛掌守衛巡警晉書潘岳傳與石崇等諂事

賈謐每候其出輒望塵而拜古詩腰中鹿盧劍可值千萬餘

其五

聞築新宮就君王擁麗華尙言虛內主廣欲選良家使

者螭頭舫才人豹尾車可憐青塚月已照白門花此首刺漁

色也○新宮見送沈釋堂次句見彈琴歌注左傳

昭三年齊侯使晏嬰請繼室于晉韓宣子使叔向對曰

若惠顧敝邑撫有晉國賜之內主皇甫茂政詩聞道

選良家明史陳子龍傳中使四出搜巷几有女之家

黃紙帖額持之而去國史補兩省誰起居卽爲螭頭以

其立近石螭也蘇詩映山黃帽螭頭舫才人見琵琶

行序豹尾見讚佛詩其一註青塚見玉京彈琴歌

大清一統志建康故城在上元縣南正西曰西明門

一名

白門

其六

貴戚張公子奄人王寶孫公陪宣室宴出典羽林屯狗

馬來西苑俳優待北門不時中旨詔著籍並承恩此首刺佞

幸也○漢書外戚傳成帝每微行常與張放俱而稱富

平侯家故曰張公子通鑑綱目齊寶卷永元二年奄

人王寶孫年十三四號倂子最有寵漢書東方朔傳

上為寶太主置酒宣室使謁者引內董君朔曰不可夫

宣室者先帝之正處也非法度之政不得入焉羽林

見雒陽行後漢書靈帝紀又於西園弄狗著進賢冠

帶綬又駕四驢帝躬自操轡漢書嚴助等傳朔臯不

根持論上頗俳優畜之明史劉宗周傳俳優雜劇陳矣

內豎充廷金吾滿座咸哢駢闐矣後漢書蔡邕傳多引

無行趣執之徒並待制鴻都門下北門見凌烟圖歌

羅昭諫詩使者銜中旨史記外戚世家直

入長樂宮行詔門著引籍承恩見東萊行

舊說時選良家女遍

索名優故詩中及之

其七

漫說黃龍府須愁朱雀桁三軍朝坐甲十客夜傳觴王

氣矜天塹邊書棄御牀江州陳戰艦不肯下潯陽

此譏小朝

廷之不能進取並不能自守也○宋史岳飛傳語其下

曰直抵黃龍府與諸君痛飲耳通鑑綱目晉明帝太

寧二年七月王含水陸五萬奄至江寧南岸人情恟懼

溫嶠燒朱雀桁以挫其鋒綱目集覽桁與杭通方舟也

駕方舟以為橋左傳文十二年裏糧坐甲固敵是求

南史齊東昏侯紀衆皆怠忽不為致力募兵出戰至城

門數十步皆坐甲而歸又陳後主紀常使張貴如孔

貴人等八人夾坐江總孔範等十人預宴號曰狎客先

令八婦人擘采箋製五言詩十客一時繼和遲則罰酒

張平子南都賦受爵傳觴通鑑綱目陳主從容謂侍

臣曰王氣在此又孔範曰長江天塹限隔南北紀

事順治二年五月八日大兵抵江潁九日昧爽順

流下潛從龍潭竹哨渡十日馬士英猶有長江天塹之

對十一日都城破

通鑑隋紀陳叔寶從帝登印山及

出帝目之曰當賀若弼度京口被人密啟告急叔寶飲酒遂不之省高頻至日猶見啟在床下未開封明史馬士英傳

大清兵抵宿遷邳州未幾引還史可法以

聞士英大笑不止坐客楊士聰問故士英曰君以為誠

有是事耶乃史公妙用也歲將暮防河將吏應敘功耗

費軍資應稽算此特為敘功稽算地耳地理通釋江

南得有潯陽之名後又因潯陽而改為江州見哭志衍

江黃注按此則江州潯陽皆以代江南字非指江西之

九江府也戰艦見葺城行大清一統志天寶元年

改為潯前此皆作尋張如哉曰梁元帝為湘東王閻侯

景之難遷延不進後遣王僧辨等將兵討景所向克捷

猶令頓軍尋陽持兩端以觀變此詩末二句用湘東王

事

明史史可法傳昔晉之東也其君臣日圖中原而僅

保江左宋之南也其君臣盡力楚蜀而僅保臨安蓋

偏安者恢復之退步未有志在偏安而遽能自立者

也左懋第傳必能渡河而戰始能阨河而守必能阨



河而守始能畫江而安出師表曰惟坐而待亡孰與  
伐之讀梅村此詩可以見武侯用兵之故矣老學  
菴筆記秦檜有十客曹冠以教其孫爲門客王會以  
婦弟爲親客郭知運以離婚爲逐客吳益以愛婿爲  
嬌客施全以刺刃爲刺客李季以設醮奏章爲羽客  
弓侈以治產爲莊客卞異以出入其家爲狎客曹誅  
以獻計取媚爲說客此九客耳秦旣葬其亡父于建  
康有蜀人史叔夜者懷雞絮號勸墓前其家大喜因  
厚遺之遂爲弔客足十客之  
數是十客之後又有十客也

### 其八

偏師過采石突騎滿新林已設牽羊禮難爲刑馬心孤

軍摧韋粲百戰死王琳極目蕪城遠滄江暮雨深

此首  
刺降

王弔毅魄也說附後○左傳成三年帥偏師以修封疆

大清一統志牛渚山在當塗縣西北二十里一名

采石 漢書晁錯傳輕車突騎隋書韓擒虎傳擒虎率

五百人宵濟襲采石守者皆醉擒虎遂取之進攻姑熟

半日而拔次于新林 左傳宣十二年鄭伯肉袒率羊

以迎晉書王濬傳濬入于石頭皓乃備亡國之禮素車

白馬肉袒面縛銜璧牽羊 戰國策孟嘗君舍人謂衛

君曰臣聞齊衛先君刑馬壓羊而盟晉書郝鑒傳設壇

塲刑白馬大誓三軍 南史韋粲傳字長倩比及青塘

夜已過半壘柵至曉未合左右高馮牽粲避賊粲不動

兵畧盡遂見害 又王琳傳字子衍會稽山陰人也齊

令便赴壽陽并許召募陳將吳明徹進兵圍之堰肥水

灌城而齊將皮景和等屯于淮西竟不赴援明徹晝夜

攻擊城內水氣轉侵人皆患腫死病相枕從七月至十

月城陷被執百姓泣而從之明徹恐其為變殺之城東

北二十里 極目見贈李雲田鮑有蕪城賦注登廣陵

城作 滄江見讀西臺記張如哉

曰末句即蕪城賦風啤雨嘯意

此詩悲黃得功之覆也得功本傳 大清兵已渡

江知福王奔分兵襲太平所謂偏師過采石突騎滿

江知福王奔分兵襲太平所謂偏師過采石突騎滿

新林也福王傳辛卯夜由崧走太平蓋趨得功軍  
癸巳甫崧至蕪湖丙申大兵至南京城北文武百  
官降得功傳方收兵屯蕪湖福王潛入其營得功驚  
泣曰陛下死守京城臣等猶可盡力奈何聽好人言  
倉卒至此所謂已設牽羊禮難爲刑馬心也得功傳  
劉良佐已先歸命大呼岸上招降得功怒叱曰汝乃  
降乎忽飛矢至中其喉偏左得功知不可爲擲刀拾  
所拔箭刺吭死所謂孤軍摧韋粲百戰死王琳也蕪  
城賦云邊風起兮城上寒井逕滅兮邱隴殘千齡兮  
萬代共盡兮何言蓋悲廣陵之蕪也廣陵今揚州可  
法督師揚州而得功由儀真廬州移駐太平可法知  
得功最深未二語蓋謂得功死時極目揚州而可法  
已前死城爲蕪城耳梅村詩史之  
目真無愧矣而詩境亦烟波無盡

其九

糧棘千夫聚

糧應作糧

朦衝百里通  
白衣搖急漿  
青草伏疆

弓塢壁推嚴虎江湖屬管崇丹陽故鄣郡山越士人風

張如哉曰通首指明禾草竊餘寇及結寨自守者耳○

賈誼過秦論鉅櫓棘矜書千夫長吳志周瑜傳取蒙

衝闔艦數十艘又呂蒙傳盡伏其精兵艤艫中使白

衣搖櫓作商賈人服晝夜兼行遂到南郡青草見避

亂杜詩挽弓當挽彊張如哉曰江表傳孫策殺吳郡太

守許貢貢奴客潛民間欲為貢報讐策好獵將步騎數

出所乘馬精駿從騎絕不能及獵之日卒有三人即貢

客也策射一人倒餘二人便舉弓射策中頰後騎尋至

皆殺之青草句似用此事後漢書李章傳于縣界起

塢壁繕甲兵吳志孫策傳吳人嚴白虎等衆各萬餘人

處處屯聚隋書魚俱羅傳及還江南劉元進作亂詔

俱羅將兵向會稽諸郡逐捕之擊賊帥朱爕管崇等戰

無不捷大清一統志丹陽故城在太平府當塗縣

東又太平府秦為丹陽縣屬鄣郡吳志孫皓傳分丹陽

為吳興郡詔曰今吳郡陽羨永安餘杭臨水及丹陽故

鄣安吉原鄉於潛諸縣地勢水流之便悉注烏程既宜

立郡以鎮山越其亟分此九縣爲吳興郡治烏程又孫權傳以諸葛恪爲丹陽太守討山越又諸葛恪傳衆議咸以丹陽地勢險阻山谷萬重皆仗兵野逸白首於林莽逋亡宿惡咸共逃竄時觀閒隙出爲寇盜每致兵征伐尋其窟藏其戰則蜂至敗則鳥鼠自前世以來不能羈也拜恪撫越將軍領丹陽太守陳唐卿詩潤領裁衣盡土人

### 其十

越絕山河在征人尙錦袍乘風竹箭利狎浪水犀豪怪

石千灘險疑城百里高臨江諸將帥委甲冑東逃

此詩言明

亡之餘地利如故守者無人也隋書經籍志又有越絕相承以爲子貢所作杜詩國破山河在征人見鐵獅歌北史何稠傳波斯嘗獻金線錦袍晉書宗愨傳願乘長風破萬里浪周禮夏官東南曰揚州其利金錫

竹箭

左傳

昭二十一年水懦弱民狎而翫之吳越春

秋今夫差衣水犀甲者三萬人書鉛松怪石杜牧之

詩千灘與萬灘晉紀魏文帝之在廣陵吳人大駭乃

臨江為疑城自石頭城至江乘以木為楨衣以葦席加

彩飾焉一夕而成更記淮南王傳彊弩臨江而守禮

則思將帥之臣唐書王智興傳令士委甲而入左傳

哀二十二年越滅吳請使吳王居甬東天清一統

志鄞江在寧波府鄞縣東北二里一名甬江翁山故城

在定海縣東三十里翁山下春秋時越之甬東也明史

諸王傳潞王常澆流寓於杭順治二年六月降於我

清

大

唐孫華字寔君談金陵舊事金陵昔喪亂炎運值標

季忽從大梁城倉皇走一騎偶竊藩邸璋自言某王

嗣貴陽一奸人乘時思射利奇貨此可居何暇論真

僞卜者本王郎矯誣據神器遂修代來功超踰登相

位權門輦金帛掖庭陳秘戲江表張黃旗王氣銷赤

幟媮息僅一年傳聞有二異北來黃犢車天表自英

粹雜問聚朝官瞳目各相視遙識講臣面備言宮壺  
事諸臣媚新君誰肯辨儲貳爭效雋不疑競指成方  
遂泉鳩無王人束縛乃就吏復有故宮如飛蓬亂雙  
髮自言喪亂時此離中道棄生子已勝衣壯髮猶可  
識不望昭陽恩不望金屋置願一見大家瞑目甘入  
地上書欲自通沉沉九閭闕詔付掖庭獄見者爲垂  
淚不如厲王母銜憤早自刺祗緣當壁假翻招故劍  
忌誠恐相見非泄此蹤跡秘滅口計未忍對面諒餘  
愧鳥獸有伉儷豺虎知乳孳豈獨非人情捐棄恩與  
義羸呂及牛馬秦晉潛改置皆從胎孕中長養崇非  
類未聞妄男子僭盜出不意龍種乞爲奴狐假得暫  
恣茲寔衆口傳曾見遺老記疑事終闕如庶聽來者  
議按福世子之僞正史  
不載附錄之以廣異聞

贈徐子能

蘇州府志徐增字子能吳  
江人有而菴詩話而菴集

如子聲名早相聞盡故人懶余交太晚知我話偏真道

在應非病詩成自不貧休教嗟拊髀纔得保沉淪原注子能

病蹇此就初交時言之未句所感者深○曹詩追舉

逐聲名史記魏其武安侯傳相得驩甚無厭恨相知

晚也詩知我者謂我心憂史記仲尼弟子傳原憲

目學道而不能行者謂之病若憲貧也非病也漢書

郭解傳此其家不貧拊髀見楚兩生行徐子能集序

子能年甫壯而得未疾須人以行沉淪見遇劉雪舫

其二

未卜林塘隱還將野興消鶴聲常入市樹勢欲侵橋老

病人扶拜狂吟客見招知從甫里近白首其逍遙前半承前

首沉淪而申言之後半承前首知交而申言之○劉孝

綽詩林塘多秀色野興見西田詩詩鶴鳴于九臯

聲聞于天晉書衛玠傳總角乘羊車入市許仲晦

詩林繁樹勢直杜詩老病人扶再拜難白詩狂吟

吳詩莫道



一千字杜詩京兆田郎早見招大清一統志甫里鎮在蘇州府元和縣東南白首出史記萬石君傳

初春同王惟夏郁計登夜坐奇懷室梅村太倉十子詩序以王

吳維夏為第六國朝詩別裁集維夏江南太

倉人康熙己未召試博學鴻臚以年老授官正

字回籍著有碩園集洋鎮縣志郁植字東堂幼

雋異書過目輒成誦八歲試五倫論吳祭酒偉

業見而奇之植從弟禾字計登遂於

經學多著述陶詩良辰入奇懷

長日誰教睡夜深還擁書一燈殘酒在斜月暗窗虛官

退才須減名高懶不除梅花侵曉發蚤得伴閒居玩此詩語

意奇懷室乃梅村之室也前半完題面後半寫情杜詩長日容杯酒又夜深殿突瓦擁書見汲古閣歌

王詩自有一燈然皮襲美詩安得瑤池飲殘酒白詩

斜月入低廊孟詩松月夜窗虛官退句見行路難

韓子而說之以名高 杜詩遠  
夢歸侵曉 潘安仁有閒居賦

新霽喜孫令修至同步後園探梅

白詩新霽月蒼  
蒼 梅村穆苑

先墓誌余之初就君齋讀書也鄰舍生孫令修亦與焉太倉州志孫以敬令修丁丑進士任甌

寧知縣

子虛賦遊于後園

陸務觀詩僧約溪橋共探梅

偶來因客興信步得吾園雨足山低樹花開日滿軒掃

林休石磴劇藥遇泉源絕壑人聲至驚棲聽鳥喧

首句是孫

令修至次句是同步後園三句從雨霽說到探梅四句從探梅說到雨霽五六後園之景却有步字在內七八句同步暗收到令修身上一太上隱者詩偶來松樹下蘇詩信步行看竹呂溫號州三堂記金鷄掃林翁鬱洞開梁昭明太子詩牽蘿下石磴許仲晦詩春溪劇藥還詩泉源在左李詩攀崖度絕壑子瞻石鐘

山記山上棲鵲聞人聲亦驚起磔磔雲霄間

種葛計

走行音

音

音

音

音

五賦

博強

性雨

音

音

音

林林

不登

隴

音

音

音

邠來

因

音

音

音

音

接

音

音

音

音

音

承

音

音

音

音

音

滌

音

音

音

音

音

夢

音

音

音

音

音

夢

音

音

音

音

音

吳詩集覽卷八下

五言律詩一之下

送王子彥

原註王以孝廉不仕後因事避吏將入都子彥見短歌

失意獨焉往自憐歸計非無家忘別苦多難愛書稀白

首投知己青山負布衣秋風秣陵道惆悵素心違

無家多難

屬對本杜白首投知己是入都青山負布衣是避吏也杜詩自寄一封書今已十月後反畏消息來寸心亦何有第四句用其意○失意見送龔孝升杜詩歸來姑自憐無家見避亂詩未堪家多難秋風秣陵見

馬草行

陶詩

聞多素心人

青山負布衣寫出子彥身分通首于孝廉不仕四字特見洗發

遇舊友

已過纔追問相看是故人亂離何處見消息苦難真拭

眼驚魂定銜杯笑語頻移家就吾任白首兩遺民

此詩一氣

貫注直摩盛唐之壘○周宏正詩追問斧柯年

相看

見雁門尚書行

杜詩亂離知又甚消息苦難真

驚

魂定見圓圓曲

銜杯見鴛湖曲

晉書

左思傳移家京師

遺氏見讀西臺記

原評起語得神與乍見翻疑夢同妙

接申涵光曰

昔別是何處相逢皆老夫誦之如聞其聲乍見翻疑

夢相悲各問年語意本此而真樸自然不逮矣今按

梅村此詩通首俱有真氣不止起句工妙施愚山淳

湖尋邢景之詩四海倦遊後始知泛愛非寸心如落

木逢爾復春暉移榻連疏圃烹魚出釣磯清歡成信

宿不是醉忘歸前四語可稱同工也杜贈高式顏詩

昔別是何處相逢皆老夫故人還寂寞削跡共艱虞

自失論文友空知賣酒壚平生飛動意見爾不能無  
司空文明雲陽館韓紳宿別詩故人江海別幾度隔  
山川乍見翻疑夢相悲各問年孤燈寒照  
雨深竹暗浮烟更有明朝恨離杯惜共傳

### 偶值

偶值翻成訝如君不易尋出門因酒癖謝客爲書注久

坐傾愁抱高談遇賞心明朝風日暇餘興約登臨

起二句有

飛動之勢與前篇相似第三句是出門之時不易尋第  
四句是謝客之時不易尋反寫值字是正寫偶字也五  
六值字正面結二句值字餘波○白詩共放詩狂同酒  
癖史記信陵君傳乃謝客就車晉書皇甫謐傳耽翫

典籍忘寢與食時人謂之書淫庾承宣詩愁抱望自

寬高談見哭志衍謝靈運擬鄴中詩序天下良辰美

景賞心樂事四者難并王詩襄陽美風

日餘興見蚤起登臨見送志衍入蜀

座王李太虛師從燕都間道北歸尋以南昌兵變

避亂廣陵賦呈八首

據言有司謂之座王梅村李太虛壽序流離嶮岨浮海南

還家園烽火禍亂再作僅以其身飄泊于江山

風月之間江西通志李明睿天啟二年壬戌進

士南昌人南昌郡乘明睿字太虛右庶子掌右

春坊國朝禮部侍郎史記淮陰侯傳從間

道葦山而望趙軍廣陵見閬州行注按間

道北歸自北而歸也南昌兵變蓋指楊廷麟萬

元吉殉節之事然太虛于順治十五年爲禮部

左侍郎管禮部尚書事兼內翰林宏文院學士

見所撰本草綱目序則太虛非老於維揚者

也梅村比之蘇武管寧蓋在其官禮部以前

風雪間關路江山故國天還家蘇武節浮海管寧船妻

子驚還在交朋淚泣然兩京消息斷離別蚤經年

此首就間

道北歸說○詩間關車之牽兮岑參詩還家鄉月迴  
蘇武節見讀史雜感三國志管寧傳字幼安北海人  
也華歆舉寧寧遂將家屬浮海杜詩妻孥怪我在驚  
定還拭淚泫然見雕橋莊歌  
用兩京字杜詩數州消息斷  
宋延清詩少別已經年按明有南京北京故

其二

白鹿藏書洞青牛采藥翁買山從五老避世棄三公舊

德高詞苑長編續史通十年金馬夢回首暮雲中

此言太虛

歸南昌之事○一統志白鹿書院在星子縣北廬山五  
老峯下唐貞元中洛陽人李渤與兄涉讀書廬山嘗畜  
一白鹿自隨遂以白鹿名洞淳熙中朱子知南康軍因  
其遺址重建書院藏書見歸雲洞後漢書甘始傳注  
漢武帝內傳曰封君達隴西人常乘青牛故號青牛道  
士聞有病者識與不識便以要問竹管中藥與服或下



針應手皆愈買山見東萊行一統志廬山其最者曰

五老峯按太虛爭南幸時方官中允而以三公擬之

者惟其棄三公是以避世也舊德見磬清湖序王士

熙詩詞苑恩波供染翰周子充玉堂雜記李仁父燾

續通鑑長編又漢書司馬遷傳王莽時求封遷後為史

通子注史通國子爵也又唐書劉子元傳自以為見用

於時而志不遂乃著史通內外四十九篇李太虛壽序

先生攬捩累朝故寔抄撮成書凡百卷欲以成一代之

良史金馬見贈文園公注唐太

宗詩回首長安道王詩千里暮雲平

### 其三

愛酒陶元亮能詩宗少文桃花忘世事明月望湘君山

靜聞鼙鼓江空見陣雲不知時漢晉誰起灌將軍此首亦言

太虛歸南昌之事但前篇就著書說此就栖逸說耳後四句有聞鷄起舞之意然已引入兵變杜詩愛酒晉

山簡能詩何水曹晉書陶潛傳字淵明或云字深明名元亮尋陽柴桑人宗少文見六真歌按三句暗用  
桃花源記問今是何世賈幼鄰詩白雲明月弔湘娥  
楚辭湘君篇望夫君兮未來唐子西詩山靜似太古  
鼙鼓見遇劉雪舫韓詩山淨江空水見沙更記天官  
畫陣雲如立垣桃花源記乃不知有漢無論魏晉  
史記魏其武安侯傳灌將軍夫者類  
陰人也為中郎將坐法去家居長安

#### 其四

浩劫知難問秋風天地哀神宮一柱火仙竈五丁雷劔  
去龍沙改鐘鳴鼉鼓來可憐新戰骨落日獨登臺

此首言南

昌兵變浩劫見九峯草堂歌

一統志妙濟萬壽宮

在南昌縣西南廣潤門內一名鐵柱宮中有鐵柱相傳許旌陽所鑄以鎮蛟螭之害詳閩園詩序  
又吳猛宅在南昌府寧州南今為丹霞觀亦名吳仙里  
駱賓王詩

石路五丁開韓詩仙官勅六丁雷電下取將一統志  
劍池在南昌府豐城縣西南三十里相傳晉雷煥得龍  
泉太阿二劍處龍沙在新建縣北又緣德字道濟住  
廬山圓通寺曹翰下江州率部曲入寺僧驚走緣德獨  
端坐不起翰怒曰獨不聞殺人不轉眼將軍乎緣德曰  
汝安知有不怕生死和尚翰曰衆僧何在答曰聞鐘則  
來翰擊鐘而僧不集緣德自起擊之僧皆至因謂曰公  
鳴鐘有殺心耳鼉鼓見贈訥生戰骨見蟋蟀盆歌  
左傳唐十五年登臺而履薪  
焉杜詩百年多病獨登臺

其五

彭蠡初無雁潯陽近有書于戈愁未定骨肉苦離居江

渚宵傳柝山城里出車終難致李白卧病在匡廬

此亦言南

昌兵變之事通首俱太虛書中語于戈未定是以骨肉  
離居五六承三四說下末二句言太虛不爲時人招致

也以卧病謝招致則故鄉真難居矣○書彭蠡既豬陽  
鳥攸居注陽鳥雁也明史地理志南昌府東有鄱陽湖

卽彭蠡也何仲默詩近得潯陽江上書遙思李白更

愁予杜詩干戈未息苦離居詩江有渚季義山詩

空聞虎旅傳宵柝庾詩山城足迴樓周禮正義鄭康

成曰賦謂出車徒給繇役也後漢書刑法志一同百里

提封萬井兵車百乘一封三百一十六里提封十萬井

兵車千乘唐書李白傳安祿山反轉側宿松匡廬間

永王璘辟爲府僚佐璘起兵逃還彭澤璘敗當誅郭子

儀請解官以贖有詔長流夜郎會赦還潯陽南康軍圖

經白性喜各山以廬阜水石佳處遂往遊焉至五老峯

曰天下之壯觀也卜築於此吾將老焉今峯下有書堂

舊基

丹鉛錄太白生于蜀之昌明縣青蓮鄉昌明今之彰

明也讀書于縣南之匡山杜子美贈詩所謂匡山讀

書處頭白好歸來指此山今以爲匡廬

非也太白非九江人何得言歸來乎

其六

世路長爲客家園况苦兵酒偏今夜醒

原註新  
倭切

笛豈去

年聲一病餘孤枕千山送獨行馬當風正緊捩柁下湓

城

此首因兵變而避亂也。○後漢書崔駰傳子苟欲勉我以世路。杜詩年年至日長爲客。漢書陳湯傳北

邊蕭然苦兵

杜詩露從今夜白

又花發去年叢

又一病緣明主李詩兀然就孤枕

獨行見避亂

一

統志馬當山在九江府彭澤縣東北四十里。捩言王勃年十三遊江左舟次馬當遇老叟問曰子非王勃乎來日重九南昌都督命客作滕王閣序子盍往賦之勃曰此去南昌七百餘里今已九月八日矣叟曰子誠往吾助清風一席勃翌日昧爽已抵南昌。捩柁見二十五日詩一統志隋平陳廢柴桑縣置尋陽縣大業初改爲城湓

其七

莫問投何處輕帆且別家漫栽彭澤柳好種廣陵瓜飲

興愁來減詩懷老自誇南徐山色近題語報侯芭

此首是避

亂廣陵三四好句欲仙末二句梅村得太虛書而以侯芭自比也○王詩欲投人處宿杜詩哀鳴何所投常

建詩春帆宜別家

晉書陶潛傳宅邊有五柳樹故嘗

著五柳先生傳又執事者聞之以為彭澤令三國志

步騭傳騭避難江東與廣陵衛旌同年相善俱以種瓜

自給

劉夢得詩樓中飲興因明月

郝伯常詩塞上

詩懷尤索莫

南徐見贈馮訥生

漢書揚雄

傳贊鉅鹿侯芭常從雄居受其太元法言焉

其八

海內論知已天涯復幾人關山思會面戎馬涕沾巾賓

客侯羸老諸生原憲貧相看同失路握手話艱辛

此終前七

首之意李太虛壽序其之維揚也與偉業相遇於虎邱此八首蓋相遇時所作故云賦呈與聞園詩之別近十年興思寄念者不同○王子安詩海內存知已天涯若

比隣關山見琵琶行杜詩身老時危思會面又正

思戎馬淚盈巾杜必簡詩歸思欲沾巾史記信陵君傳魏有隱士曰侯羸年七十遂爲上客秦昭王已破趙

長平又進兵圍邯鄲公子計不獨生而令趙亡乃請賓客約車騎百餘乘欲以客往赴秦軍與趙俱死侯生曰

公子勉之矣老臣不能從杜詩諸生原憲貧滕王閣序誰悲失路之人史記滑稽傳握手無罰話艱辛

見蕭史青門曲

李太虛征途詩到家忽不樂作客反如歸因識天邊雁南飛又北飛

歲暮送穆大苑先往桐廬

一統志桐廬縣在嚴州府東北九十五里梅村

〔贈穆大苑先詩〕兵火桐江遇故人  
釣臺長嘯凌千尺正咏其事

客中貧過歲又上富春船燭影欹寒枕江聲聽夜眠石

高孤岸迥雪重半帆偏明日停橈處山城落木天首句是歲

暮次句是在桐廬三四乃倒裝句猶云寒枕欹燭影夜眠聽江聲也如杜詩紅豆啄餘鸚鵡粒碧梧栖老鳳凰枝之類石高雪重皆歲暮之景山城落木則桐廬與歲暮雙結也○富春見讀西臺記〔杜詩〕半屏開燭影黃文江詩旅館移欹枕〔杜詩〕高枕遠江聲〔駱賓王詩〕岸迥秋霞落蘇子由詩晚日落帆偏〔陳伯玉詩〕停橈問土風京山城見呈李太虛

其二

卧病纔回棹征輶此再游亂山穿鳥道匹馬向嚴州遠



水浮沙嶼高楓入郡樓知君風雨夜落葉起鄉愁

起句飛動

三四是在桐廬三句虛四句是五六到桐廬矣五句在城外六句入署中結句回映回棹意境緲然梅村穆苑先墓誌枚庵由睦之桐廬令入爲給諫君爲之上巖灘者三過京師者再此云又上富春船征軺此再游葢在苑先再上巖灘時也○元詩迴權子猷歸史記季布傳朱家乘軺車之洛陽孟詩亂山殘雪夜鳥道見閬州行匹馬見蕩子行一統志嚴州府在浙江布政司西南二百七十里季季蘭詩遠水浮仙棹江詩涼月照沙嶼高楓見清風使節圖一統志瀟湘樓在嚴州府治內風雨夜見遇劉雪舫淮南子見一葉之落知歲之將暮

其三

到日欣逢節招尋有故人官厨消絳蠟客舍煖烏薪鎖

印槐廳靜班春柏酒新班集翩翩杜書記瀟灑得閒身

此首言到桐廬以後之事送時歲暮故用鎖印頌春等

字○王詩逢佳節倍思親招尋見題河渚圖隋

書酷吏傳庫狄士文為貝州刺史其子啖官厨餅顧應

祥詩豪華浪說熾炊厨按此用石崇傳以熾代薪客

舍見磬清湖范致能詩誰與幽人煖直身筠籠衝雪送

烏薪賈閬仙詩鎖印子規啼唐書職官志率以歲終

為斷天下諸州則本司推校以授勾官連署封印梅聖

俞詩靜掃古槐廳後漢書崔駰傳注班春班布春令

漢官儀正旦以柏葉酒上壽庾詩正朝辟惡酒新年長

命杯柏葉隨銘至椒花逐頌來翩翩見贈吳錦雯唐

書杜牧傳字牧之為牛僧孺淮南節度府掌書記孔

德璋北山移文瀟灑出塵之想閒身見虎邱夜集圖

### 其四

知爾貪乘興衝寒蠟屐忙鶴翻松磴雪猿守栗林霜官

醞移山榼仙碁響石房巖光如可作故態客星狂此亦到桐

廬以後之事前首客况此首游興正見與故人相得也衝寒雪霜不脫歲暮意○晉書王徽之傳本乘興而來

杜詩山意衝寒欲放梅蠟屐見游西灣注王元長

與隱士劉虬書豈能鳳舉鶴翻有心儀羣李巨山詩吐

葉依松磴張文昌詩秋猿守栗林王元之詩官醞

綠開瓶高季迪詩載酒攜山榼碁響見蚤起薛大拙

詩平身入石房末

二句見讀西臺記

曉發杜有曉發公安詩

曉發桐廬縣蒼山插霧中江村荒店月野戍凍旗風衣

為裝綿暖顏因被酒紅日高騎馬滑愁殺白頭翁前半篇寫

景後半篇言情句句有曉字在內○儲光羲詩雨雪浮蒼山陳伯玉詩歸帆出霧中江村見磬清湖温飛卿

詩雞聲茅店月〔陳詩〕野戍孤烟起〔虞世茂詩〕霜旗凍  
不翻〔杜詩〕衣冷欲裝綿〔史記〕高祖紀高祖被酒辛  
德源詩衰顏借酒紅〔百詩〕日高猶睡綠窗中〔杜詩〕只  
愁騎馬滑〔岑參詩〕不見沙場愁殺人〔杜詩〕已作白頭  
翁

客路

見送龔孝  
升補註

客路驚心裏棲遲苦未能龍移對江塔雷出定龕僧

原注

武林  
近事

林黑人譚虎臺荒吏按鷹清波門外宿潮落過西

興

此首以驚心裏直貫通篇故多用可喜可愕之事見  
客路之難也。〔杜詩〕恨別鳥驚心 棲遲見贈陸生

〔杜詩〕林黑鳥應棲〔按〕譚虎色變出大學或問 臺荒

見海戶曲〔五代史〕安重誨傳他日按鷹於西郊 〔一統

志〕杭州府城門十西南曰清

波 潮落西興見贈吳錦雯

贈劉虛受

中歲交朋盡新知得此翁道因山水合詩向病愁工悟

物談功盡亡情耳識空

原注重聽

真長今第一兄弟擅宗風

起句以交朋之盡襯出新知之樂三四句正是新知處

也點劉字作結王詩中歲頗好道新知見送龔孝

升歐陽永叔醉翁亭記山水之樂得之心而寓之酒

也又梅聖俞詩序非詩之能窮人殆窮者而後工也

何敬祖詩悟物思遠託世說支道林初任安東寺中

王長史往與支語支徐徐謂曰身與君別多年君義言

了不長進按詩反用之宋子詩傳亡之爲言忘也晉

書王衍傳聖人忘情梁武帝淨業賦觀耳識之愛聽亦

如飛鳥之歸林晉書劉惔傳字真長桓温嘗問

惔第一復誰惔曰故在我輩宗風見讚佛詩

識面已頭白論心惟草元孝標三世史摩詰一門禪獨

宿高齋晚微吟細雨天把君詩在手相慕十年前

此首見新

知樂處○杜詩李邕求識面溫飛卿詩論心若合符

杜詩草元吾豈敢南史劉峻傳字孝標本名法武懷

珍從父弟也按傳稱峻梁天監初召入西省典校秘閣

不載其爲史也峻本將門不載其三世爲史也或以論

贊中有懷珍宗族文質斌斌自宋至梁時移三代等語

而云然與唐書王維傳字摩詰與縉俱奉佛又王縉

傳字夏卿本太原祁人後客河中少好學與兄維俱以

名聞縉素奉佛不如葷食肉晚節尤謹詩獨寐寤宿

高齋見汲古閣歌微吟見題河渚圖杜詩

細雨魚兒出又把君詩過日詩六轡在手

苦雨

爾雅久雨曰苦雨

亂烟孤望裏雨色到諸峯野漲餘寒樹江昏失暝鐘夜

深溪碓近人語釣船逢愁聽惟支枕艱難媿老農

三四明寫

五六暗寫以苦字作結○岑參詩雨色和人烟杜詩諸

峯羅列似兒孫易林水漲無船謝宣遠詩稠陰結寒

樹百詩雲黑雨條條江昏水暗流岑參詩江鐘聞已

暮陸務觀詩正看溪碓春粳滑人語見塗松晚發

釣船見東萊行

支枕見蚤起

海溢

南史梁武帝紀普通元年秋七月己卯江淮海並溢

積氣知難極驚濤天地奔龍魚居廢縣人鬼語荒村異

國帆檣落新沙島嶼存橫流如可救滄海漢東門

此詩紀災

異也魚龍處陸人鬼相雜客船不行淤沙如山描寫曲

盡結句有望于治水者○積氣見巫峽季詩驚濤洶

湧向何處杜詩積陰帶奔濤宋元虛海賦吐雲霓含

龍魚杜詩廢邑狐狸語人鬼見贈吳季子杜詩荒村

虎豹爭

李少卿答蘇武書遠托異國季公垂詩水郭

帆檣近斗牛

白詩烟波半露新沙地王子安滕王閣

序窮島嶼之縈迴

穀梁傳序孔子觀滄海之橫流

左傳桓六年漢東之國隨爲大書江漢朝宗於海

### 閬園詩

并序

閬園者李太虛先生所創別墅也廣厦層軒迴

廊曲榭門外有修陂百頃堂前列灌木千章采

文石於西山導清流於南浦綠蕖被沼紫柰當

牕芳枳樹籬修藤作架白鶴文鷗飛翽廣囿駕

鷺黃鵠游泳清池

泳集作詠非

豈止都蔗爲鄉素馨

成幄已哉

此段序閬園之勝是園內近景○別墅出晉書謝安傳漢書王吉傳



廣廈之下細旃之上楚辭高堂邃宇檻層軒此

李尚真詩曲榭迴廊繞澗幽說文修長也

陂阪也一曰池也百頃見避亂詩集于灌木

千章見海戶曲任彥升秋竹詩入戶掃文石

一統志西山在南昌府新建縣西章江門外三

十里道家以為第十二洞天王逸少蘭亭序

又有清流激湍一統志南浦在南昌縣西南廣

潤門外洛神賦灼若芙蓉出綠波吳真節

詩千年紫柰熟謝靈運詩衆山亦當窗潘安

仁閒居賦芳枳樹籬陸務觀詩壽櫟修藤路

欲迷齊民要術葡萄蔓延性緣不能自舉作架

以承之參同契御白鶴駕龍鱗禽經白鷗似

山雞而色白行止閑暇王仲宣詩迴翔遊廣

園鴛鴦見玉京彈琴歌黃鵠見九友歌詩

泳之游之東京賦造舟清池通雅甘蔗亦曰

諸蔗曰都蔗曰諸蔗羣芳譜素馨一名那悉

茗花一名野悉蜜花須屏

况經傳惠遠厨藏金

架扶起不然不克自監

粟之儀山近麻姑壇擬玉臺之觀果名羅漢花

號佛桑紺室聞鐘丹泉洗藥茲爲靈境夫豈塵

區

此亦序閩園之勝是園外遠景○蓮社高賢傳慧遠姓賈氏雁門樓煩人見廬由閑曠可

以息心乃立精舍及佛陀羅至師卽請出禪教

諸經千是禪戒典出自廬山幾至百卷維摩

經維摩詰是金粟如來再來一統志麻姑山

在建昌府南城縣西南二十里相傳麻姑得道

於此玉臺觀見閩州行朱子羅漢果詩從

遣山僧煮羅漢未妨分我一杯湯江寧府志

佛桑花自閩中攜至色絕艷美紅者瓣如襪紅

縐紗又有淡紅者有赭黃者有鶯黃者開之日

首尾夏秋間可三月第不能耐冬耳李詩紺

殿橫江杜詩欲覺聞晨鐘曹堯賓詩延壽丹

泉許細看列仙傳葛洪經贛州興國縣境見山

靈水秀遂結廬築壇鑿池洗藥靈境見讚佛

詩朱子詩  
迴駕俯塵區

而吾師偃仰茂林從容長薄千里

致程鄉之酒十年探禹穴之書叔夜銅鎗可容

一斗茂先寶劍足值千金焚香而明月滿簾闥

茗而清風入座張華燈而度曲指孤嶼以題詩

若將終焉洵可樂也

此段序太虛在闕園時○  
偃仰見遣悶蘭亭序此地

有崇山峻嶺茂林修竹

楚辭路貫廬兮左長

薄

南史劉杳傳

任昉曰酒有于日醉當是虛

言杳曰桂陽程鄉有千里酒飲之至家而醉

禹穴見謁伯成吳越春秋禹登宛委之山發石

得金簡玉字之書山中有一穴深不見底謂之

禹穴太史公自序上會稽探禹穴

南齊書何

點傳竟陵王子良遺點嵇叔夜酒杯徐景山酒

鎗以通意竇革酒譜自晉以來酒器又多云鎗

故南史有銀酒鎗鎗或作鎗

一斗見行路難

茂先見九峯草堂歌

豫章記吳未時有赤氣

見于斗牛之間占者以為吳方興惟張華以為

不然雷煥謂寶物精在豫章之城遂以煥為令

至縣掘獄地得龍泉太阿二劍

名劍記漢昭

帝時茂陵人獻一寶劍上銘曰直千金壽萬歲

焚香見六真歌序白詩滿窗明月滿簾霜

陸務觀詩青蕩雲腴開闢茗南史謝謏傳入吾

室者但有清風古樂府華燈何煌煌度曲見

琵琶行孟詩孤嶼共題詩杜詩孤嶼坐題詩

蘭亭序

不謂平原鹿走一柱蛟飛始也子魚

信可樂也

已下虞翻之說既而孝頃遽來周迪之軍浪激

亭湖兵焚樵舍馬矢積桓伊之墓鼓聲震徐孺

之臺將仙人之藥白車箱俱移天上豈帝子之

珠簾畫棟尚出人間

此段序江西兵變是太虛去閩園之由○司馬長卿

上林賦馳邱陵下平原識小錄陳反諒聚鹿數百于南昌章江門外謂之鹿囿友諒自跨一角蒼鹿綴瑟瑟珠爲纓絡掛角上鏤金爲鞍羣鹿皆飾以錦繡遨遊江上明初駕至南昌宴于滕王閣命儒臣韓詩放其鹿于西山南昌郡乘妙濟萬壽宮在廣潤門左宮左有井與江水相消長中有鐵柱許旌陽所鑄西山雙嶺前亦有鐵柱一以鎮蛟螭之害漢官儀開陽門始成未有名宿昔有一柱來在樓上琅琊開陽縣上言南城門一柱飛去陸務觀詩蒼崖濺落素蛟飛子魚見龍腹竹歌三國志虞翻傳字仲翔會稽餘姚人也虞翻傳注策討黃祖旋軍欲過取豫章特請翻語曰華子魚自有名字然非吾敵也加聞其戰其甚少若不開門讓城金鼓一震不得無所傷害卿便在前具宣孤意翻卽奉命辭行與敵相見翻旣去歆明旦出城遣吏迎策

〔陳書周迪傳〕迪臨川南城人也。迪使周敷率衆  
頓臨川故郡。截斷江口。生擒李孝欽。焚猛余孝

頃。送于京師。〔一統志〕鄱陽湖一名宮亭湖。

〔又〕樵舍鎮在新建縣西北六十里。馬矢見汲

古閣歌。〔一統志〕南昌府有桓伊墓。〔又〕徐稱字

孺子。宅在南昌縣南。〔水經注〕贛水北歷南塘塘

之東。有孺子宅。南昌郡乘。徐孺子舊祠在東湖

南小洲上。有孺子宅故址。又名孺子臺。〔一統

志〕桃源山在靖安縣西北四十里。一名武陵山。

上有仙姑壇及龍鬚藥白車箱等九洞。〔沈雲

卿詩〕漢家城闕疑天上。帝子珠簾畫棟用王

子安。滕王閣詩〔南昌郡乘〕滕王閣在府城西。

〔沈初明〕通天臺表茂。雲卿棄藥圃而不歸。少陵

陵玉筮遂出人間。

辭灑谿而又往。放舟采石浪跡雷塘。愛子則痛

甚。元規故園則情同。王粲望匡山而不見。指章

水以爲言嘿嘿依人傷心而已

此段序太虛離閩園時○宋史

隱逸傳蘇雲卿廣漢人紹興間來豫章東湖結廬獨居鄰曲稱曰蘇翁莫測識也少與張浚爲布衣交後浚爲相馳書屬豫章帥及漕親造其廬必爲致之帥漕乃屏騎從更服爲遊上入其圃翁連鋤不顧進而揖之延入室土銜竹几地無纖塵客起而言曰張公令某等致公力請共載辭不可期以詰旦上謂旦遣使迎伺翁已遁矣竟不知所往又朱長文傳築室藥圃坊著書閱古按雲卿有還張德遠書幣題蔬圃壁間詩所謂莫將富貴汗蘇公者也梅村呈太虛詩有江渚宵傳柝山城里出車終難致李白卧病在匡廬之句蓋太虛名重勝國當楊萬南昌兵變必有招致太虛入幕者而太虛避地維揚也少陵見贈杜退之讓谿見送志衍入蜀采石見讀史雜感戴安道栖林賦浪跡潁涓一統志雷塘在揚州府甘泉縣北張如哉曰放舟采

石暗用李白事浪迹雷塘暗用杜牧事 愛子

見送何省齋晉書庾亮傳字元規三子彬義蘇

彬年數歲雅量過人蘇峻之亂遇害 三國志

王粲傳字仲宣登樓賦遭紛濁而遷逝兮漫逾

紀以迄今情眷眷而懷歸兮孰憂思之可任

匡山見贈蒼雪注 一統志章江在南昌府

城西 依人見遇劉雪 於是嵇生授簡趙子抽

盼 傷心見吾谷行

毫重邀大別之雲再續小園之賦庶幾峯連北

固不異香爐潮上邦溝居然湓口心乎慰矣歎

也何如 此段是太虛客居維揚門下士賦詩慰藉也 稽生見行路難 謝惠連雪賦

王乃授簡于司馬大夫 謝希逸月賦抽毫進

續以命仲宣 大別見二十五日詩 予山有

小園賦 北固見九友歌 樂天廬山草堂記

匡廬奇秀甲天下山北峯曰香爐峯 明史地



理志江都東有官河卽古邗溝今運河也

口見送何省齋陳書徐陵傳泉流寶盃遙憶滢

城峯號香廬依然廬

偉業幸遇龍門曾隨兔苑

自灌園於海畔將負笈於山中顧茲三逕之荒

已近十年之別願依杖屨其肆登臨弟子昇陶

令之輿興思彭澤故吏逐謝公之屐寄念東山

爰托五言因成十律華林園追陪之宴而今渺

然浣花潭話舊之遊於茲在矣

此段自序作詩後漢書李膺

傳土有被其容接者謂之登龍門

文選注梁

孝王有兔苑 史記商君傳灌園于鄙海畔見 蘆州行 北史何妥傳負笈遊學者妥皆爲講 說教授之 三逕見遺悶 禮侍坐于君子君

子欠伸撰杖屨視日早暮侍坐者請出矣登  
臨見送志衍入蜀晉書陶潛傳素有脚疾向  
乘藍輿亦足自反乃令門生二兒輦之共至州  
杜詩濁酒尋陶令彭澤見鴛湖曲漢書尹  
翁歸傳悉召故吏五六十人按晉書謝安傳幼  
度等既破堅有驛書至安方對客圍碁了無喜  
色既罷還內過戶限心喜甚不覺屐齒之折而  
南史謝靈運傳常着木屐上山則去其前齒下  
山則去其後齒又謝安傳安雖受朝寄然東山  
之志始末不渝梅村蓋攢簇其事用之一統  
志華林園在上元縣北追陪見讚佛詩梁簡文  
帝與廣信侯書每憶華林勝集亦叨末位趙  
承祐詩獨上江樓思渺然寰宇記杜甫宅在  
成都縣西郭外地屬犀浦縣接浣花溪地名百  
花潭話舊見

遇劉雪舫

先生家住處門泊九江船彭蠡春來水匡廬雨後天芟

荷香石浦杭稻熟湖田獨坐憑闌久虛堂且晏眠此追敘太

虛在江右時○南史張融傳武帝問融住在何處

詩門泊東吳萬里船綱目集覽秦九江郡今淮東江西

諸郡是彭蠡見呈李太虛杜詩春水船如天上坐

匡廬見贈蒼雪王詩空山新雨後芟荷見西田詩一

統志石頭渚在南昌府新建縣西北水經注贛水西岸

有盤石謂之石頭津步按齊書五行志鹽官縣石浦有

海魚鹽官故城今海寧縣治非此詩之所咏也長楊

賦馳騁秣稻之地采書孔季恭傳墾起湖田憑欄見

送何省齋虛堂見松

鼠晏眠見永和宮詞

其二

有客扶藜過空山猿鳥知苔侵蘿逕屐松覆石床碁楚

米炊菰早吳羹斫鱸遲柴門相送罷重定牲丹期此下五首

亦追敘太虛在江右時而此首先言其好客也○詩有  
客有客杜詩扶藜望清秋猿鳥見題河渚圖虞伯  
施詩階前綠苔侵蕭子良詩蘿逕轉連綿石牀見曇  
陽觀按此暗用東坡遊白鶴觀事詳園居孟東野詩  
楚倉傾向西吳米庾子慎詩黑米生菰葉楚辭和酸  
若苦陳吳羹些斫臈見琴清湖杜詩相送柴門月色  
新白詩唐昌玉  
藥會崇敬牡丹期

其三

性僻耽書畫蹉跎遍兩京提攜詩卷重笑傲客囊輕小

閣尊夔古高人池館清平生無長物端不負虛名

觚賸載太

虛就館于外此首咏之亦可見其名士風流也○杜詩  
爲人性僻耽佳句蹉跎見送何省齋兩京見呈李太  
虛禮長者與之提攜則兩手奉長者之手詩謔浪  
笑傲小閣見西田詩尊夔見九友歌高人見龍腹

竹歌■池館見哭志衍晉書王恭傳吾生平無長物漢書周黨傳私竊虛名誇上求高

### 其四

興極歌還哭狂來醉復醒牀頭傾小榼壁後卧長瓶月

出呼漁艇花開置幔亭門前流水急數點暮山青

觚臙載太

虛欲圖軟飽蓋豪于飲者此詩咏之○興極見林屋洞

杜詩鄰家過歌哭王詩狂來或自歌宋書樂志願令

諸君醉復醒鮑詩牀頭恒有沽酒錢白詩行攜小榼

出蘇詩長瓶分未到方雄飛詩溪頭講樹攬漁艇

武夷山記武夷君於八月十五日山上置幔亭化虹

橋通上下大會鄉人宴飲常建詩直到門前溪水

何仲言詩

天暮遠山青

### 其五

絕壑非人境丹砂廢井留移家依鶴砦穿水遇龍湫白

石心長在黃金藥可求何時棄妻子還伴葛洪游

此首欲學

仙是不可奈何語也○首句見六真歌序

丹砂見送

周子俶一統志丹井有二一在南城縣南十五里乃洪

崖丹井一在麻姑山仙都觀世傳爲葛洪丹井移家

見遇舊友韻會山居以木柵作砦或作柴王朝川詩題

鹿柴木蘭柴是也一統志龍泉在南昌府治北輿地

紀勝晉慧遠結菴於此無水以杖刺地泉湧旣而歲旱

慧遠誦龍王經于泉上俄而龍起雨乃大足神仙傳

白石先生者中黃丈人弟子也常煮白石爲糧史記

封禪書黃金可成不死之藥可得棄妻子見

讚佛詩注晉書葛洪傳字稚川丹陽句容人

### 其六

我愛東林好還家學戴顓經臺憑怪石塵尾折青松書

卷維摩論溪山曹洞宗欲修居士服持偈問黃龍此首欲學

佛亦不可奈何語○一統志東林寺在九江府德化縣

南廬山麓還家見呈李太虛戴顓見贈文園公廬

山記謝靈運見遠公肅然心服乃卽寺翻經怪石見讀

史雜感南史張機傳後王常幸鍾山開善寺救取松

枝手以屬機曰可代麈尾江詩青松挺秀萼翻譯名

義維摩羅詰秦言淨名傳燈錄臨濟宗潞仰宗曹洞

宗雲門宗法眼宗爲五宗輟耕錄今人以居士自號

者甚多六經中惟禮記玉藻有曰居士錦帶注謂道藝

處士也陳書虞寄傳陳寶應據有閩中慮禍及已乃爲

居士服以拒絕郎君胃詩心持半偈萬緣空一統志

五代超慧字誨機住寧州黃龍寺初游嶽麓遇一僧曰

東北行遇洪卽止逢龍可任及至黃龍山有雙峯庵馬

和尙以法付之而去後禪

侶雲集黃龍一派被天下

其七

倦策登臨減名山坐卧圖避人來栗里投老乞菱湖舊

業存榆柳新齋待竹梧亂離知又至安穩故園無

此下三首

皆指太虛從間道歸江右以後之事

起二語倦游歸矣三四承上欲住故園也然喬木空在而新齋落寞當

亂離之際故園果可以娛老否漸引到避亂上○謝元

暉詩疲策倦人世

第二句見西田詩注

南史陶潛

傳潛嘗往廬山王宏令潛故人龐通之齋酒具於半道

栗里要之一統志原曰栗里原此南康之勝也投老

見西田詩一統志菱湖在湖州府歸安縣東南隋書

房彥謙傳家有舊業榆柳見蓉清湖序高逵夫詩獨

坐新齋木落時蘇詩來集竹與梧杜詩亂離知又甚

晉書顧愷之傳行人安穩杜詩幕下郎官安穩無

### 其八

陶令休官去迎門笑語忙那知三逕菊却怕九秋霜十



具牛誰種千頭橋未荒可憐思愛子付托在滄浪此首即序

中痛甚元規意○休官見送何省齋

歸去來辭稚子

侯門退之平淮西碑蔡之婦女迎門笑語

南都賦結

九秋之增傷張如哉曰酉陽雜俎元和初士人見古屏

上婦人歌曰舞袖弓腰渾忘却蛾眉空帶九秋霜晉

書載記苻堅讓王猛子散騎侍郎皮曰丞相臨終托卿

以十具牛爲田千頭橋見送李友梅付托見讀史

雜詩滄浪

見縹緲峯

### 其九

青史吾徒事先朝忝從臣十年搜典冊萬卷鎖松筠好

友須分局奇書肯借人劫灰心力盡牢落感風塵此與呈李

太虛第二首同意○青史見遣悶宋書鄧琬傳黃閣是

吾徒事耳杜詩先朝忝從臣西京雜記高文典冊

用相如杜詩閉門終日鎖松筠詩雖無好友式燕  
且喜後漢書馬融傳曹伍相保各有分局奇書見讀  
西臺記漢書河間獻王傳從民間借書必為好寫之  
劫灰見避亂心力見磬清湖牢落風塵見遇南廂園  
叟

其十

早買淮陰棹仍登江上樓曉來看北固何處似南州王

謝池臺盡齊梁寢樹秋天涯憂國淚豈為故鄉流

此首避地

江南與閩園別矣王謝池塘盡言南京已覆齊梁寢樹  
秋言園陵已荒此皆國之憂也因憂國而下淚則鄉思  
有不足言者而不徒在于一園也○大清一統志

淮陰故城在淮安府清河縣東南謝靈運有登池上

樓詩北固見九友歌後漢書徐穉傳此必南州高

士徐孺子也劉夢得詩舊時王謝堂前燕飛入尋常

百姓家杜詩梁苑池臺雪欲飛又棟宇自齊梁一統

志江寧府東晉都此宋齊梁陳因之杜詩寒蟬碧樹秋

又向來憂國淚岑參

詩憑添兩行淚寄向故園流

### 課女

漸長憐渠易將衰覺子難晚來燈下立攜就月中看弱

喜從師慧貧疑失母寒亦知談往事生日在長安句句入情

詩之妙處只在真也杜詩驥子虬憐渠燈下見遣

悶盧允言詩無人起就月中看朱子詩傳師女師

也陳氏禮記集說姆女師也說苑閔子騫兄弟二人

母死其父更娶復有二子子騫為父御車失轡父持其

手衣甚單父即歸呼其後母兒持其手衣甚厚溫謂其

婦曰去無留子騫前日母在一子單母去四子寒史

記袁盎傳此往事豈可悔哉杜有宗武

生日詩題又詩遙憐小兒女未解憶長安

嘉湖訪同年霍魯齋觀察

浙江通志分巡嘉湖道霍達字魯齋陝西人順

治八年任陝西通志崇禎辛未進士霍達長安人歷官至尙書

官舍鶯聲裏旌旗拂柳堤湖開山勢斷塔迴樹痕齊世

路催青髮春風到紫泥還看鮑司隸驄馬灞橋西

首二句是

觀察三四寫景五六流水句言世路雖催人老而春風獨蒙殊恩行如鮑司隸之在京國也○官舍見送施愚山劉得仁詩御林聞有早鶯聲岑參詩柳拂旌旗露未乾柳堤見鴛湖曲張道濟詩山勢遠濤連司空文

明詩河分岡勢斷

周利用詩塔向三天迴

王子淵詩

離離嶺樹齊

許仲晦詩綠蛾青髮醉橫塘

紫泥見

九峯草堂歌

後漢書鮑永傳父宣哀帝時任司隸校尉永建武十一年徵爲司隸校尉子昱中元元年拜司

隸校尉

驥馬見哭志衍一統志霸水在西安府咸

寧縣東霸橋在縣東二十五里史記封禪書作灞

其二

蹤跡知何處溪山興不孤閒亭供鳥雀仙吏得蓴鱸紅

荔涪江樹青楓笠澤圖須教趙承旨烟雨補南湖

此首欲魯

齋隨遇而安蓋素位而行者自無入不得也前半篇言蹤跡不拘逸興自在鳥雀蓴鱸皆興之所適也夫紅荔青楓木溪山中所自有有紅荔卽何異涪江有青楓卽何異笠澤乎欲倩名手作圖正見興之高處○謝靈運詩虛館絕諍訟空庭來鳥雀仙吏見簡姜明府一統志蓴菜烏程縣蘇灣出鱸魚太湖出紅荔涪江見京江送遠圖注青楓見送照如師笠澤見送何省齋楊仲宏趙公行狀公諱孟頫字子昂延祐丙辰七月進拜翰林學士承旨榮祿大夫知制誥元史趙孟頫傳其畫山水木石花竹人馬尤精緻烟雨南湖見鴛湖曲

其三

門外銀塘滿鷗飛入晚衙公田若下酒鄉夢杜陵花水

碓筒輸紙溪船篋貢茶看雲堪拄笏幕客莫思家

此首與其

二同意意魯齋蓋不樂居外故爲此以廣之○梁簡文

帝詩銀塘瀉清溜百詩寒庭放晚衙一統志若溪

在湖州府長興縣南亦作箬南岸曰上箬北岸曰下箬

二箬皆村名村人取下箬水釀酒醇美南史陳武帝紀

作下若杜陵花見永和宮詞第五句見東姜明府

注唐書地理志湖州土貢紫筍茶看雲見虎邱圖

蘇詩朝來拄笏看西山清

異錄顯德中岐下幕客入朝

### 其四

羽蓋菰城道春風行部勞長公山郡簡小杜水嬉豪簫

鼓催征騎琴書厭畫舸獨憐憔悴客剪燭話同袍

此首單舉

行部之盛三四用湖州故事以自已作結○獨斷凡乘輿車皆羽蓋一統志楚春申君立菰城縣秦改爲烏程

行部字出漢書王尊傳

按長公謂子瞻子瞻熙寧

中徙知湖州山郡見高涼司馬行

唐書杜牧傳乞爲

湖州刺史牧於詩情致豪邁人號爲小杜以別杜甫云

水嬉卽水戲詳贈吳園次折花貽杜牧注

簫鼓見圓

圓曲王子淵詩北走長安道征騎每經過

歸去來辭

樂琴書以消憂詩誰謂河廣曾不容刀釋文刀字書作

舠剪燭見遇劉

雪舫詩與子同袍

贈郡守李秀州隆吉

一統志嘉興府晉天福四年吳越錢氏始奏置秀州嘉興

府志知府李國棟錦

州人順治六年任

偶值溪山勝相逢太守賢邀人看水閣載酒上菱船鶴

料居官俸魚租讌客錢今朝風日好春草五湖烟

此與李郡

守同遊而作官閒好客故謂之賢也（李詩皆美太守賢）水閣見鴛湖曲（載酒見清風使節圖錢仲文詩）閒却採菱船（曾彥和詩）寧美一囊供鶴料（注云唐幕府官俸謂之鶴料）元史余闕傳令民取湖魚而輸魚租（李詩今朝風日好）春草見高涼司馬行五湖見贈家侍御

野望

王無功有野望詩

京江流自急客思竟何依白骨新開壘青山幾合圍危

樓帆雨過孤塔陣雲歸日暮悲笳起寒鴉漠漠飛

此在鎮江

而作野字是景望字是情也首句是野次句是望領起

通篇三四遠景五六近景七八回應客思情景渺然無

盡（京江見遣悶漢書溝洫志注）急流曰湍（駱賓王

詩南冠客思侵王無功詩徙依欲何依白骨見閬州

行劉夢得詩山圍故國週遭在李少卿答蘇武書親

自合圍陰子堅詩接路上危樓黃元鎮詩天際雨帆

長詩集卷下



梁峽出

陣雲見呈李太虛

杜詩悲笳四五動

〔于〕述詩寒鴉噪晚景〔王〕詩漠漠水田飛白鷺

### 其二

衰病重聞亂憂危往事空殘村秋水外新鬼月明中樹

出千帆霧江橫一笛風誰將數年淚高處哭塗窮

重聞亂領

起通篇三四近景五六遠景七八句回應重聞亂也○

衰病見遣悶

〔左傳〕文二年吾見新鬼大故鬼小〔李〕後

主詞不堪回首月明中

千帆見送遠圖〔陳〕伯玉詩歸

帆出霧中

〔杜〕牧之詩落日樓臺一笛風

途窮見贈

李雲田〔按〕高處二字合

用阮籍廣武之嘆也

### 送張學博孺高之官江北

學博見閬州行蘇州府志張誼字孺高順治七

年府學歲貢生

江北見虎邱圖

薄宦非傍郡孤舟幾日程詩傳沛子弟禮問魯諸生水

列官厨釀城荒射圃耕北來車馬道猶喜簡逢迎首二句破

題三四是江北學博五六學博齋况結句回應薄宦非傍郡也○晉書陶潛傳弱年薄宦不絮去就之迹史

記高祖紀於是少年豪吏如蕭曹樊噲等皆為收沛子弟二三千人又高祖還歸過沛留置酒沛宮悉召故人

父老子弟縱酒酒酣高祖擊筑自為歌詩諸生見凌烟閣圖按此句用叔孫習禮事見讀史雜詩歐陽永

叔醉翁亭記釀泉為酒泉香而酒冽官厨見送穆苑先荒城詳過鄭州禮射于矍相之圃漢書段會宗傳

注師古曰迎之于道隨所到而逢之故曰逢迎也

冬霽

烟盡生寒日山雲不入城船移隔縣雪屋遶半江晴照

眼庭花動開顏社酒清渚田飛雁下近喜有人耕此首寫出

園居之趣妙在切題前半寫景斲工後半言情入妙○

李重規詩登城望寒日江總持詩山雲四面通後漢

書廖扶傳未曾入城市杜詩剪取吳松半江水梁

武帝詩庭中花照眼李詩開顏酌美酒北史杜弼傳

不敢飲社酒琴參詩蘆花雜渚田詩鴻

雁于飛管子有一人耕而五人食者

### 松化石

原注金陵任白受所藏墨客揮犀壺山有柏木一株長數尺半化為石半猶是堅

木蔡君謨見而異焉因運置私第余莆陽日親

見之錄異記婺州永康縣山亭中有枯松樹因

斷之誤墮水中化為石取未化者試於水隨亦

化焉其所化者枝幹及皮與松無異但堅勁有

未化者數段相兼留之以旌異物焉雲林石譜

婺州永寧縣松林一夕大風雨忽化為石悉皆

斷截大者三二尺尚存松脂脈紋土人運而為

坐具至有小如拳者亦堪置几案間羣芳譜張

七澤云松化石松理而石  
質 金陵見遇南廂園叟

高士無凡好常思買一峯如何三徑石却本六朝松老  
筆應難畫名山不易逢穀城相遇處肯復受秦封

穩勻之作

○高士見河渚圖

一峯見宿福源精舍

三徑見遣

悶

王貽上六朝松石記金陵園林亭榭相望也六朝

園毘古園在瓦官寺東北其得名以松石

老筆見虎

邱夜集圖

名山見汲古閣歌

漢書張良傳良始所

見下邳圯上老人與書者後十三歲從高帝過濟北果

得穀城山下黃石取而寶祠之

漢官儀秦始皇上封

泰山風雨暴至休于松

下因封其松爲五大夫

東齋記事秦始皇下泰山風雨暴至休于樹下因封

其樹爲五大夫初不言其爲何樹也後漢應劭作漢

官儀始言爲松五大夫蓋秦爵之第九級如曹參賜

爵七大夫遷爲五大夫是也後人不解遂謂松之封

大夫者五故唐人松詩有不羨  
五株封之句蓋循襲不考之故

嘲張南垣老遇雛妓

梅村張南垣傳南垣名漣華  
亭人徙秀州又爲秀州人嘉

興縣志張漣字南垣少學畫得山水趣因以其  
意築圃壘石有黃大癡梅道人筆意一時名稱  
藉甚按以雛代幼小之稱蓋始于子美之衆雛  
爛漫睡魯直之僧雛手金鑰也而子美又本于  
禰正平  
鸚鵡賦

莫笑韋郎老還堪美玉簫醉來惟捫腹興極在垂髫白

石供高枕青樽出細腰可憐風雨夜折取翦長條

通首  
切老

字雛字謔不傷雅○杜詩同病得韋郎  
雲谿友議韋

臯少遊江夏止于姜使君之館有小青衣曰玉簫常令  
祇侍後稍長因而有情時廉使得韋季父書發遣歸觀  
遂與言約少則五載多則七年取玉簫至八年春玉簫

遂絕食而殞後韋鎮蜀聞之廣修經像以報夙心有祖  
山人者有少翁之術令齋戒七日清夜乃至謝曰承僕  
射寫經造像之力旬日便當托生却後十三年再爲侍  
妾以謝鴻恩後韋以隴右之功鎮蜀不替東川盧八座  
送一歌姬亦以玉簫爲號觀之乃真姜氏之玉簫也韋  
嘆曰吾乃知存沒之分一往一來玉簫之言斯可驗矣  
捫腹見壽龔芝麓興極見林屋洞桃花源記黃髮  
垂髻唐詩紀事杜牧遊湖州閱奇麗得垂髻者十餘歲  
白石見新都戰國策君始得高枕而卧矣世說孫子  
荆語主武子當枕石漱流誤曰漱石枕流陳詡詩青  
樽照深夕後漢書馬廖傳楚王好細腰風雨夜見遇  
劉雪舫令狐毅士詩相將折楊柳爭取毘長條別詳  
鴛湖  
閨詠

破山興福寺僧鶴如五十

琴川志循虞山而北過寶慈寺六里西北入破

山興福寺寺多古蹟因白龍闢衡山而去故曰破山一統志興福寺在常熟縣破山齊彬州刺

史倪德光捨宅爲  
寺亦名破山禪院

聽法穿雲過傳經泛海來花深山徑遠石破講堂開潭

出高人影泉流古佛苔長留千秋鶴聲繞讀書臺

三四  
是破

山興佛寺五六說到寺僧結句點染鶴字祝嘏處妙在  
有意無意間○高達夫詩聽法還應難李有中詩穿雲

不覺勞

耿緯詩傳經韋相後說文泛浮也

張見隲

詩芳杜雜花深

李長吉詩

石破天驚逗秋雨講堂見

謁剖公

古佛見歸雲洞

宋子虛詩洞中養隻千年

鶴

一統志讀書臺在常熟縣治西相傳梁昭明太子

讀書

于此

### 園居

傍城營小築近水插疎籬岸曲花藏釣牕高鶴聽暮移

床穿磴遠喚茗隔溪遲自領幽居趣無人到此知

此首與冬

霽同意前半于園字爲多後半于居字爲多分合觀之

清言如霏玉屑○杜詩畏人成小築周朴詩近水月

光低杜詩疎籬帶晚花曲岸見西田詩庾詩高荷沒

釣船東坡集吾嘗獨遊五老峯入自鶴觀松陰滿地

不見一人古松流水間惟聞碁聲庾詩就水更移牀

楊誠齋詩步穿危磴攀蒼藤羣芳譜茶一名檟一名

葢一名茗一名薺賈閔仙詩孤村火隔溪

禮幽居而不淫祖詠詩蘭若無人到

自此以前皆梅村未赴召

時詩梅村非不欲園居者也





吳詩補註

卷八

游西灣

鐘寒

詳遇具和  
尚補註

出樹

許文化詩雲  
帆高出樹

依僧

季義山詩色  
淺為依僧

蚤起

南樓

見送志  
衍補註

餘興

崔知賢宴王明府山  
亭詩序餘興方適

瑜芬侍兒

恃穉偏頻進含嬌托未知

梁武帝樂府恃愛如  
欲進含羞未肯前

溪橋夜話

見屋

真通記夢至大衡山見一草屋范監云此是游仙之廬

分橋

許文化詩水市迴分橋

感事

范蔚宗詩感事懷長林

蒼雪若鏡見訪

詩思

見京江送遠圖

送李友梅

程箋友梅嘗居青浦見楊式傳果報聞見錄按聞見錄之李友梅是老于青浦

者與詩意不合蓋姓字偶同耳

贈黃州杜退之

許棠字文化

孤吟

王子安綿州北亭羣公宴序孤今五嶽長嘯三山

園居柬許九日

釀房

陸務觀詩花釀蜜千房

吾願足

符子許由謂堯曰君之榮願亦已足矣夫

晚泊

溪靜

薛大拙詩谿靜接仙從

題做上人代笠

愛雪

猶詩愛雪長忍凍

過南屏訪無生上人

程迓亭曰無生名虛舟南屏與教寺元末已圯淮南屏雷

峯塔之陰留錫菴者向為白蓮寺順治丁亥虛舟即其地建菴仍曰留錫

謂此一公住

嚴正文哭靈一上人詩一公何不住空有遠公名

相對話

蘇詩故應相對

話前生

簡武康姜明府

父老

見贈家侍御

○竹稅

元史尚文傳奏罷懷衛竹稅提舉司

夜泊漢口

風高

柳子厚詩風高榆柳疎

送黃子羽之任

此方

金史李通傳此方比歲民間儲畜尚多

讀史雜感

仰大農

漢書食貨志中國繕道餽糧遠者三千近者千餘里皆仰給大農

數州

杜詩數州消息斷

○孤軍

晉書載記慕容廆與陶侃箋孤軍輕進不足使勒畏首畏尾

○管崇

隋書王充傳及

楊元感反吳人朱燮晉陵人管崇起兵  
○甬東逃阮紫華日  
江南以應之自稱將軍擁眾十餘萬  
前數首皆詠南都事此則咏越西潰  
散之事蓋責方國安張國維一輩人

### 新霽喜孫令修至同步後園探梅

客興

見送何省齋補註

雨足

韓詩昇堂坐階新雨足

### 送王子彥

孝廉

詳維夏北行 歸計 曹業之詩我獨無歸計

### 呈座主李太虛師

交朋

陶翰詩交朋忽先進

○愛酒

蘇詩愛酒陶元亮能詩張志和

世事

晉書阮籍傳遺落世

事

○神宮

雅樂歌神宮肅肅天儀穆穆

○家園

潘安仁閒居賦近周家園

歲暮送穆苑先往桐廬

詩歲聿其暮

客中

見贈穆大補註

○鄉愁

岑參詩邊柳挂鄉愁

贈劉虛受

交朋

見呈李大虛補註

○高齋

韋應物詞晚下高齋有情

十年

見送徐次桓補註

聞園詩

爲鄉

按如蘇詩又入春山笋蕨鄉李伯紀不妨更入荔支鄉之類

成幄

陸士衡詩密葉成翠幄

浪激

元詩激浪誠難沂

將仙人之藥白車箱俱移天上

太平廣記許真

君名遜字敬之以東晉孝武帝太康二年八月一日于洪州西山舉家四十二口拔宅上昇而去惟有石函藥白各一所車轂一具與真君所御錦帳復自雲中墮于故宅按此句翻用南昌故實言仙人尚不能保其故居

也靖安在南昌府西北一百六十里  
**放舟**確天錫詩放舟玉鏡潭  
**默默**莊子昏默默  
**嵇生**

**授簡**王丹麓今世說嵇叔子為李太虛作  
**趙子**蘇詩趙子

寄書來  
○**高人**見龍腹竹  
○**客囊**邵二泉詩客囊衣在縫猶密  
**穿水**

宋史曹翰傳  
**問黃龍**釋曉瑩羅湖野錄廬山羅漢小南禪師准世系以黃龍是大父名既

穿渠得水  
同而道望逼亞故叢林目  
為小南尊黃龍為老南

### 嘉湖訪同年霍魯齋觀察

**鶯聲**劉文房詩鶯聲細雨中  
○**鷗飛**劉文房詩江靜覺鷗飛  
**鄉夢**孫逖詩鄉夢北歸難

**溪船**李詩棹歌溪口船

### 野望



孤塔蘇詩只尋孤塔認西東。憂危往事空書心之憂危史記爰盜傳此往事豈可悔

哉 江橫趙承祐詩楚江橫在草堂前

冬霽

屋繞

見碧清湖 有人耕全唐詩話引唐人詩雨後有人耕綠野

嘲張南垣老遇雛妓

白石供高枕

古樂府有白石郎曲錢仲文有白石枕詩

園居

窓高

陳去非詩聲到竹窓高